

棗

林

雜

俎

東林雜俎義集

彤管

孝慈高皇后無子

安妃姚氏

宮人戴氏書

沈瓊蓮

恭恪惠榮和靖皇貴妃鄭氏

端氏

孝節烈皇后

孺人范氏

妙錦皇姑

何夫人紫金掠

金濂出妻

會稽范氏二女

項裏毅胡婦

婦人生鬚

女化男

貞女節婦解

葬婢再生

張安人樞白花

韓烈婦

秦昭奴

陳氏遺荒詩

吳江張烈婦

命婦能詩

義使陳氏

難婦

忠順夫人書

志怪

張雷王八十

鄧雲翁種牙方

萬歷末方士

年康氏

薄子瑤

蔡鼎

柳敬亭張南坦二傳

土司

雲南

空玄

佛蛇

阿育王舍利子

宋濂前生書華嚴經

觀音夢感經

寶金和尚

智慧菩薩

憨山和尚

密雲和尚

僧佛日送雲

像不惹塵

貴州

阿羅漢

達摩石像

藏經

佛牙

僧娶妻室

達觀和尚

關頭陀

僧火香及史詩

祖師像

求履僧

僧誑

神樂觀歲終

桃林老道人

張福

高古峯

道人火遁

荀道人

烟鑿

柄相末路

矯偽

匿喪

豪橫

張真人印劍

張三丰

道人題壁

馬自然求載通志

呂仙自序

麻城道士

天主教明教附

矜炫

貪暴

侵地

點猾

奢侈

偏嗜

凶逆

緯候

五行

子日

制日伐日

上巳

火節

市日

天門

風

織信

淫蕩

碓日

上戊上丁

立春

黃梅雨

中秋十六日

朔望行香

月

二雨辨

雀銘

江南二十八景

男產

雞腹小兒

大明門黑氣

集異

名勝

石經山石經

二郎山石彈

陰陵山

天台山仙女

玉華山

雷

日本小麻

人疴

飛席

鳳陽鼓樓

金靈山朱書

石鏡山

齊雲山善惡

仙居山蝌蚪篆

雲黃山

伏龍山

玉泉山

孔子山

太山

成山

青山

東浮山

羅浮山

銅鼓山

金陵園

飛來峯

回鷹峯

六真洞

燕子洞

燕子巖

七盤坡

鷺公坡

插兒崖

四道三谷

大灰嶺

仙人蘿

天花里

永義鄉

仁義鄉



荒糧墩

憂懼石

棗陽石

天涯海角石

丈石

鳳凰石

松化石

石木魚

石田

地鏡水影

甜土

里牛

沁雪石

中丞石

望夫石

雙魚石

僧化石

關索石

石箭

石樹

水晶塔

五色土

田名

呂羅村

佛蹟

城郭氣

劉炳文海舟紀程

佛光

古亦壁

袁林雜俎 義集

鹽官談逸 端木著

形管

孝慈高皇后無子

孝陵享殿 太祖高皇帝高皇后南向左淑妃李氏生 懿文皇太子  
秦愍王晉恭王次皇 妃 氏生楚王魯王代王郢王濟王谷王唐王  
伊王潭王又次皇貴妃 氏生相王肅王韓王藩王人次皇貴人 氏  
生遼王又次皇美人 氏生監王安王俱東列嶺妃生 成祖文皇帝  
獨西列見南京太常寺志 孝陵闕人俱云 孝慈高皇后無子具如  
志中而王弇洲先生最博核其別集同姓諸王表自 懿文 成祖外  
秦愍王 棟晉恭王 桐胤定王 楨俱母 高皇后楚昭王 楨母昭敬太克  
妃胡氏齊庶人 梅母定妃達氏淳王 梓俱達氏出趙王 杞母 氏魯荒

王檀母宣妃郭氏蜀獻王 替代簡王桂谷庶人 德俱母惠妃郭氏湘獻  
王柏母順妃胡氏肅莊王 煇母 妃卽氏遼簡王 植母 妃韓氏慶靖  
王 荻母 妃余氏宣獻王 徽母 妃楊氏岷莊王 榑母 妃周氏韓憲  
王 松母 妃周氏瀋簡王 煇母 貴妃趙氏安惠王 桓母 妃 氏唐定  
王 桓母賢妃李氏鄭靖王 棟母惠妃劉氏伊厲王 榑母麗妃葛氏哲學  
編諸書俱同抑未考南太常志耶享殿配位出自宸斷相傳必有確據  
故志之不少諱而微與玉牒牴牾誠不知其解或曰宋火杜太后生邕  
王老濟太祖太宗秦王廷美夔王光贊而廷美傳云母陳國夫人耿氏  
非杜太后也鳩鴆之德均愛七子可以知 高皇后矣而 高皇后無  
子可諱他王母以諸書及太常寺之志較之多不合是魯代郭齊谷唐  
伊潭九王同 母亦奇 高皇后遺復藏奉先殿脩 寸組雙鳳首燬  
大珠歲六月六日曝之

女官黃惟德南海人洪武廿年選入宮命為司寶初名阿妹永樂初賜  
今名信任益隆宣德七年乞骸南歸 皇太后命留及為詩賜之皇明  
列聖御裒字偉烈宏謨冠于古重惟仁化本家邦內廷百職需賢良咨  
爾惟德女中士自少從容知禮義一從應召入皇宮夙夜孜孜勤乃事  
昔時黑髮今如霜歲月悠悠老將至九重聖主天地仁欲使萬物同陽  
春體茲德意賜歸去乃心感激情忻忻嶺海迢遞千萬里潞河官棹春  
風裡賜衣官錦溢光輝親戚相迎人總喜喜爾富貴歸故鄉我心念爾  
恒不忘綠筆題詩意難盡日極天南去惟翔其姪女即大學士梁儲  
母也亦累贈至一品夫人同時有葉女官者番禺人少有淑質通列女  
傳洪武廿四年聞其孝敬選入宮擢為女官因召其父碧山弟祖道詣  
闕賜宴俱授錦衣衛鎮撫資以幣復其家又有王司採者番禺人永樂  
二年選入宮為女官時年少權妃方見幸特推同輩之愛固辭曰臣妾

婆婦也安敢充下陳哉 上重之從其意司綵有文學能詩蓋宋昭容  
之流而持操過之所作宮詞至今人猶傳誦

洪武廿年詔選民間淑女入宮分司陳六尚事陳善六書曉大義精女工嫻繡皆  
女也貌端莊與焉入見使並六尚事陳善六書曉大義精女工嫻繡皆  
師事之人稱為女中君子二十四年命為司綵賜歸省仍給祿養其家  
聞範嚴肅人罕見其面有司候饋皆辭卻之 文皇即位以司綵熟知  
典故召復原職年四十以病終於官遣中使護喪歸葬

永樂中賢妃權氏順妃任氏昭儀李氏婕妤呂氏美人崔氏俱朝鮮國  
王李芳遠所進權妃穠粹善吹玉簫見幸永樂八年從征還至臨城薨  
謚恭獻芳遠驛送妃父永均至食光祿大夫祿尋遣歸正德中卒時賜  
有嘉白金米布權妃薨時後司綵王氏作宮詞瓊花移入大明宮為旋  
濃香韻晚風贏得君王留步羣玉蕭嘹曉月明中蓋指權妃也

安妃姚氏

憲廟安妃姚氏嘉興人家貧習蠲縹買市日無忤視嘗鹽見鰾水中有日月雲霞五色扇火侍甚怪之應進入宮髮素種種不盈尺登舟過半望一夕髮長委地今地名曰八尺後進位安妃生壽王妃弟福圓拜錦衣衛指揮同知子錦孫承勛景蔭千戶嘉興府志今秀水太子太保工部尚書姚思仁即姚妃後按宋陸游入蜀記過平望二十里曰八尺刻前說殊謬且麗人之遺法必應圓玄夷之髮其光可鑑安事種種為也

宮人戴氏書

戴氏湯溪人選侍坤益宮三見御弘治十年太監竄某來蘇宮人手書寄問母弟安否離別思憶之情悽然滿紙今其書具存并有宮中小盞等物湯溪縣志

沈瓊蓮

弘治間女學士沈瓊進寶室中烏程人寄兄詩珠明星斗夜珊珊玉貌  
花容列女官風遞鳳凰天祭近雪殘鴉鵲曉樓寒昭儀引駕臨丹雘尚  
履薰衣熱紫檀廟廟六宮懸象魏春風前殿想鳴鶯又宮詞十首

香霧濛濛翠碧窗青燈的的燦銀缸內人何處教吹管鶯起庭前鴝一  
雙

倦把青蛾繡紫紗閣針時復卜燈花明朝天后長生誕可有恩波偏及  
麼

且菴花封小字織寄聲千里落雲帆一春從不尋芳去高臺香羅舊賜  
衫

天子龍樓瞥見粧芙蓉圍殿試羅裳水風涼好向西坐專把書經教小  
王

曉臨鸞鏡整梳粧高髻新興一人長花影鎖窗人下直開籠自放雪衣



娘

明窗棐几淨爐薰  
開閱仙書小篆文  
豈永簾垂春寂寂  
碧桃花映石榴裙

海東青放漫遼煙  
天上群鷺得自專  
勅諭鷹房高索價  
聖王廿歲絕游畋

御柳青青燕子愁  
萬條齊水弄春柔  
東風不與閒人贈  
誰去江南

洲

尚儀引見近龍床  
御筆親題墨瀟香  
幸得唱名居第一  
沐恩舞端謝君

王

翠綠蟠袖紫羅襦  
偷把黃金小帶舒  
中使傳宣光祿宴  
內家學士作新除

右沈氏董穀碧里雜存載其一云送弟溥人悞為周氏吳興藝文補載

藝文八首

恭恪惠榮和靖皇貴妃鄭氏

鄭貴妃父承忠貧甚以女許孝廉某為妾臨別悲慟孝廉聞之遠還不責聘鄭感甚脫隻履予孝廉夫報已入宮大得幸念前事忘其名命小墻售隻履於市索直若干無應者時孝廉計偕聞而往合其履妃泣告於上非若人妾不及執巾櫛矣亡何孝廉謁選得善地歷鹽運使張道濬說貴妃生福王常沁有如意之愛上書其名於金盃屬妃藏之約他日東宮之徵也辛丑十月皇長子受冊東宮貴妃不辭持盃泣訴上啓之書字皆蝕數曰此天也錢基庵相國說

瑞氏

天啓初選宮南都以於氏瑞氏應並入內偶啖怒瑞氏一箸於氏再箸嫌其出之於氏尤妍麗

李節貞厲恭莊毅烈皇后周氏

貴妃姓元貴妃

周皇后父奎宮京師奎徵時寄食為人免庫元配生子殿璿丁氏生子某某及后復落中宮以繼從長不許初信王選婚終安奉素雅得社服念其父貧販賣之初不意關雎之詠也死信即入正大位后生東宮及定王貴妃田氏生永王悼靈王貴地漸寵謀奪嫡一日永和宮婢於金後院下誤禍定王田氏居永和宮中宮弟善也上嘗召貴妃妃例御鳳輿小璫昇之是日昇以宮婢上問故曰小璫多恣肆無狀問其實曰聞坤盈宮小璫御宮婢故遠之耳上邑劫即搜其處大得御具蓋宮人各信其璫所謂對兒也上驟怒立遣諸小璫司禮太監請少夏之如三殿下何小璫某年十八美姿制時傳中宮命於外家幸不值中宮因慙恨成疾血脈有老宮人謂曰田氏宮中獨無對兒乎亦可搜也果大得御具上疑始釋御婢田氏遇開之

大恣族貴妃上章引咎 上意解令省警例閉中門從旁出且以章示  
中官示無嫌也其章出御史湖南劉與祥筆蓋弘遇所為云貴妃有警  
亦僅兵壬午貴妃薨明春弘遇迎其少女年十三見寵敬即進封曰禮  
太監某言貴妃以進入非外進也乃止賜珠簾等有差亂後走天中味  
簾猶存今為朝土某安

崇禎庚辰 上因皇五子之變特命各御殿崇祀九天仙母廟

以上俱宮闈

孺人范氏

臨江府志范氏清江人博通經史洪武初召為女使授孺人為宮中姆  
師一日 高皇問前代何後最賢家法何代表正對曰漢趙宋諸后多  
賢家法最正命錄進史請誌之凡序內制多范為定詔賜歸老於家

翁氏女女師

晉江御又翁慶巡按四川不避權貴又勅往武當山獄立武神眼珠賜  
一品服亡何坐累下獄慶無子長女詣闕上書請代 仁孝皇后召入  
宮留之三月為宮中女師人以此異榮

### 林淑園

莆田林淑園按察使林時之女時觀政刑部坐累下獄發北京營建淑  
園年七歲擊登聞鼓訴寃 仁廟監國矜其幼飯之釋時從任陝西到  
左臂和粥愈母疾長嫁而安左衛指揮使費銘年七十

### 妙錦皇姑

徐中山達第三女妙錦 文皇帝欲娶為繼后女不可因不嫁人為尼  
嘗論革除事謂 建十已當坐殿上以待 燕王至苟不讓則死之何  
必自焚竄每語遜國事未嘗不痛哭也

### 玄君

正一真人張氏母妻封立君

何夫人紫金掠

左軍左都督何文輝夫人豐氏嘗入內呼為媳婦賜紫金掠一个玉響杯一隻玉掠髮釵一副至今為家寶紫金掠溫潤水蛇毒將此掠水解毒

毒

點記 文輝子儀

衛指揮使

郭真順

郭真順潮陽人適周伯王明初官兵下嶺南指揮俞良輔征諸寨未下者伯王居溪頭寨真順逸道上詩良輔曰將軍開國之武臣早附鳳翼攀龍鱗煙雲倏淡蔽九野半夜捧出扶桑輪前年領兵下南粵眼底草雄盡流血馬蹄帶得淮河水洒向江南作晴雪潮陽僻在南海濱十載不斷于戈塵客星移處萬里外天子亦念邊方民將軍高名邁千古五千健兒猛如虎輕裘緩帶踏地來不減襄陽管羊祜此時持奉明主恩



過者遺骸輒得蒙會稽縣志

項襄毅胡婦

項襄毅大司馬也初以副帥員外郎改爲土木匠中詞馬與胡婦去  
扶而由走四晝夜食盡胡婦度不兩活乃保糧自殺項得入宣府後祀  
婦家廟

婦人生蹟

弘治六年五月應山人張本華婦崔氏生鬚長三寸見寶錄

嘉靖癸丑青浦陸魁頭有婦人忽生鬚時絲差以事得其夫從空聞  
履之以爲男也夫亦無復携婦以歸邑市象物甚衆胡年遂有傳變  
浦縣志

萬曆二十一年嘉興己亥平館華亭余塘宋氏其婦侍姑鬚長五六寸  
二十餘莖時年六十自三十三歲始生鬚拔去仍出至五卜歲而止



李平集

女化男

正德七年平涼府太平橋下女子高四姐就予故廬居化為男子生鬚  
名高雷今六十餘有二子趙時春平涼府志

崇禎戊辰華亭莫氏女化為男子遂儒服裹中庚午嘉興會用明見於  
陳眉公座上既去眉公指之曰此卽莫氏女變男者

貞女節婦解

靜靈州曹氏聘於王守仁未嫁而守仁死曹氏聞之慟哭不食遂縊死  
趙中丞時春駁曰在家從父女與未婚之夫胡死哉自經溝瀆耳作貞  
女節婦解 未娶曰士未婦嫁曰女士幽采女家受之氏名通焉曰聘  
未有夫婦也士莫厲女家受之父命之東階母命之惟庶女及門內施  
擊中之以父母之命姆奉登車士御輪馬先歸而待諸里門至則揖以

入共牢而食合卺而醕成婚禮焉故曰夫婦始易士女之名也昏昏也  
陰陽交際之時人道取焉是同生死故婦從一而終曰節也聘而未嫁  
非婚也女非婦也待姆而行行不踰國以順父母故曰貞貞者順正而  
固也女德也故婚姻之禮不備則貞女不行行則非貞矣士未迎父母  
未命姆弗待也而奔以哭士而事其親于律無服而強持服聞哀生于  
情情生于禮此之何禮而于士何情也不備禮而行謂之奔棄奔婦則  
逆義違親命則傷孝是宜為國大禁令取之而與節婦同論甚非禮也  
故曰大不可

按浚谷先生持論太苛予傷曹氏之志語曰落水可脫石文不活持  
錄其文以告淑媛毋俾曹氏冤枉也

葬婢再生

嘉靖初南充劉氏婢么女父娶之母妒臨葬推入之三年後葬母開穴

么女伏棺上不死山言與其父處如恒持若夢中無少苦

張安人桓白花

泉州張守化贈君婦陳安人卒棺之前和發白花重樓數朵高大可半尺香如蓮

韓烈婦

萬曆庚寅五月癸亥德州韓承業婦王氏幼節初承業沒戊子五月誓殉之七日不食姑強之食糜遂絕鹽茹每晨哭香銷佛不絕聲后二歲忽治葬留偈几上臥坐室左戒人無近俄口出火下赤色白如輕雪鼻流玉筋良久火偏體金色指至數丈光達十里而香火盡遺骨如生所坐土結蓮花千朵事闕撫按為立祠長門

秦昭奴

定遠合肥間有亭曰警道旅店之東房萬曆末秦昭奴題詩二首序曰

妾本燕人幼依表兄李內官處撫育教訓頗習詩史年十八嫁為江南  
士人側室雖愛有所鍾而分割於嫡春燈秋月獨宿多愁長途旅館孤  
衾更慘夜深滴淚和墨成吟亦以寫斯幽怨云爾 逐日一程又一程  
風沙拂面鬢雲輕鴛鴦有伴非吾伴愁向孤衾數滴聲其一 日日長途  
為上塵佳人薄命怨青春小星千古稱賢淑坐對寒衾淚滿巾其二 俊  
書秦昭奴記時某年月日也跋曰昔王昭君適胡曹大家能文而寡妻  
文不逮曹而境未適胡而有夫無夫咫尺胡越意頗似之用取小字以  
識深愁後之文人君子倘憫而表章之君施惠不酬妾感且不獨昭奴  
又記熊人霖南榮集

陳氏遺荒詩

萬曆戊子金陵發婦陳氏作遺荒詩年來水旱作災屯疾瘵家家盡掩  
門兒女莫嫌全食粥眼前不死亦天恩

吳江張烈婦

吳江諸生張士柏娶沙溪陳俊女士柏夭遺女三歲其兄士松利婦產以鄰人徐洪義子張程字之婦不聽乙亥十二月既朔群黨夜突八脅婦往死拒之不克士柏從孫女故適徐氏因迎于家越六日陳訴縣侯德清章日价日价杖其媒徐義以婦爭之強刑其指卷曲不受遂囚婦謂在徐洪宅連夕無可白也已婦出獄忿甚丙子三月訴按臺不得理四月既朔訴縣臺於松江縣臺欲下吳江令婦計迫節自刎郡人畏之晉東禪寺旁道祭相望日价竟憂死徐洪等各伏罪

錢塘劉氏女

錢塘江許劉元輔女字諧生吳嘉諫未行年十九夜嘗度蕭隣人張阿官故宅賴聞聲依扣又偵女貌夜躍上樓穴宿偪女女大呼賊元輔驚起繫阿官髡之未及旦阿官兄子養忠知其故糾克斬門且鳴金號于

衆曰元輔寔以女儀而人竄之女聞之大志自經訟于郡守光山劉夢謙而阿官謀于訟師丁玉蘭賂元輔以女承污則罪不死仰守疑之陰訪其女故潔得元輔私狀阿官論如律初嘉諫弔其女刺眉投盈水中不散謂處子也拊屍大恸而丁玉蘭忽白晝見女自搏咽喉立死上虞倪尚書元璐傳劉氏不言善簫

### 命婦能詩

福清林鴻官應部郎中婦朱氏能詩嘗作詩勗鴻年十九卒鴻終身不娶

仁和陳德鏗南康守敏政女適都御史李昂適遠往典尤工詩詞有集四卷

當塗鄭賽貞國子監丞  
弘治丙辰進士官編修

婦封孀人博學能詩有士齋集三卷子韶

仁和楊文舉工部員外郎應麟女為孫姚孫陞繼室能詩子鉉編修滿封夫人詩稿附文略公集行世

武定橋烈婦

永樂初誅地文遺臣以妻女發教坊配象奴有一婦隨詩帶問赴武定橋河死詩曰不忍將身配象奴手提麥飯祭亡夫今朝武定橋頭死要使清風滿帝御或云此松江謝氏婦也

華亭王鳳嫺進士張本嘉妻本嘉知宜在卒官艱辛自誓燕其子女開舉於鄉為懷慶同知封孺人有艾餘草雙燕遺音行世

上元倪岳家宰婦 氏有 集

翰林陳沂繼室馬閭卿能詩書法蘇長公善山水白描橫幅年近八旬不廢吟咏有芝居集

楚女晚蘭和新嘉驛女子詩二首驛舍題詩今尚存斷煙荒草鎖重門

多情况有千秋月夜夜牆頭照墨痕 碎壁沉珠最可憐  
牆頭題恨墨猶鮮妖魂欲問歸何處不化鴛鴦化杜鵑

鄧縣陳東官河南提學副使婦董氏少宰妃之女能詩凡后同稿成轉共評定今董氏詩不傳

吳江沈宜修字宛君副使沈琬之女工部郎中葉紹袁妻生一女其仲季蕙綢小鸞並工文墨中庭之詠不減謝家嬌女之篇有逾左氏二女並未字而天宜修亦金世紹袁彙所著曰午夢堂集行世

吳縣范允臨官福建參議婦徐媛字小淑工詩文有略緯集

三水文氏翔鳳之幼適葛 有君子亭詩賦三百餘首于鈔書六十卷

少寡自誓作几騷九篇詞義典雅稱其風烈 文翔鳳婦武氏粗識字翔鳳稱其能詩有文武合刻武恭人沒繼節氏翔鳳齒諭艾婚不翔鳳大書顛鸞倒鳳於室中節氏能詩甲戌翔鳳得風疾壬午春年甲申節



氏事李自成今没入范文程家

麻城王鍾龍御史鳳韶女適劉守蒙十一年守蒙天恣死事姑誓不踰  
闕父疾篤欲見之不歸寧也少讀書過目輒誦老而詩益工年七十九  
目不見字猶使甥輩讀書坐側聽之李贄倡龍潭菴高談佛來風動四  
方鍾龍獨不往欲索寸札酬答亦不許其春日詩桃花暮雨煙中閣燕  
子春風月下樓幽閨永夜燈前泪孤枕頻年夢裡愁秋月詩霜飛衾薄  
紅棉冷雲斂天高綠樹寒病起詩對鏡面黃如菜色看書目眩似花生  
海盜朱淑貞尚寶卿祚之女適周濟官光澤教諭幼聰頑博極群書年  
八十卒有靜庵集十卷

桐城張秉文官山東布政使婦方孟式字如履能詩庚辰濟南臨朐文  
苑之孟式投池中以殉少讀書有婦德有絢蘭閣前後集八卷

鄞縣金文貞適王

子登進士官副都御史封太淑人有蘭莊詩集

漳浦黃道周官禮部尚書婦 氏工文翰

朝邑屈安人適韓邦靖詩文唱和如良友邦靖早世安人後十四年而  
沒有女并上書康海乞敘其母詩從之

女士

太倉薄少君庠生沈承妻承有雋才而天少君哭詩百首喻年值忘長  
醉酒一慟而絕

天台貢士卷致中妻潘氏號碧天道人有碧天稿其題桃源洞口千年  
老樹萬年山洞口仙娥自玉顏劉阮當時那得見浪傳浮跡在人間 具

一 天接青山路萬重仙家洞口白雲通聽殘一夜溪頭雨流出桃花殘  
片紅其二

黃安人遂寧人尚書珂之女為修撰楊慎繼室慎戍滇南博通經史工  
筆札携之戍滇南後慎奔父喪安人留于蜀應家政副門前說詩不多

作慎有詩答婦又別和三詞皆不及也

寄夫詩

雁詩曾不到衡陽錦字何由寄永昌  
三春花柳晏薄命六詔風煙君斷  
腸日歸日歸愁歲暮其雨其雨怨朝陽  
相聞空有力環約何日金雞下夜  
郎

黃鶯兒詞

積雨釀春寒見繁花樹樹殘泥塗滿眼  
登臨倦江流幾灣雲山幾盤天  
涯極目空腸斷寄書難無情征雁飛不到滇南

劉雪瓊山西臨縣人孝廉趙福之妻有水雲居詩自署曰維石檻花居士

莆田黃幼藻字漢宮蘇州同知儀之女適林恭卿沈靜知禮舅沒竭力奉姑所居不蔽風雨近歲罕面年三十九所著有柳絮編

蘭溪舒大猷萬卷

貢士婦陸靜專工小詞以脂筆書字篆紅滿楮

閩縣儒士鄭坦妻鄭鈴字德和坦卒鈴雙耳自誓詔旌其門萬卷中嗣子雲鶴貴贈宜人有風教錄

山陰王素娥能詩文善女紅適胡節節死於燕娥誓無他志年四十一

卒

陸卿子吳人尚寶卿師道之女適太倉趙宦光宦光素家盛慕與卿子偕隱寒山卿子能詩文有雲卧閣考繫玄芝諸集

李玉英錦衣千戶李英女父死弟承祖幼繼母焦氏有子謀奪廢毒殺承祖出其妹桂英而誣玉英以奸指其送春別燕二詩為左論死玉英奏辨世宗察其枉得釋

### 文侍

吳人陳寬孟賢侍姬曰梅花居士掌文墨

華亭王一鵬訓導善畫居湖上俱侍姬供筆墨

直閣尚書

張天駿有青衣

善書

金陵史忠癡翁侍姬何玉仙能書繪解音律號白雲道人

聞人周玉蕭武升方與安與上議無紅夷忤大師係獄七年還玉蕭玉蕭誓不去及事解詣闕遇國變又不符歸玉蕭感慕痛沒有詩一百三十首行世

妒肉

都督蕭如薰夫人楊氏才而妒無子不容納適如薰與長安張生善言及詞息悵然曰吾殆絕矣張曰將軍當置別館於此從之遂得子補諸生娶婦楊夫人尚不知也

義妓陳氏

萬曆乙卯楚掾某狎姑蘇妓陳氏傾家母嚴之陳私留掾身託疾他避

米里中豪貨掾得嫁之而所携宗頌鏡毫不累掾也歸楚後同掾謁選北  
道鄱陽湖同舟徽人窺陳色藝問許掾千金掾以情告陳陳歎曰君裝  
薄果遺其千金可耳俄千金其別掾更登徽人舟望掾帆發漸不復見  
拊膺嗟喟投水死明年掾還渡湖中感陳設祭俄風晦舟沒

蘇州義姬

蘇州姬某乙酉國變語所善客以死事俱狎笑之中秋買棹召客泛太  
湖皎月空明鷓鴣首甚適忽顧影感歎置觴投深流處不及救

雞婦

不盡雙蛾向碧紗誰從馬上撥琵琶驛亭空有歸家夢驚破啼聲是夜  
笳其一日日牛車道路賒偏身塵土向天涯不因薄命生多恨青塚啼  
鴉怨漢家其二鷓鴣傳縣吏點名頻一分明漢語真世上無如男子好  
看他髡禿也驕人後跋云吳中鷓婦趙雪華題在鄭城縣李家莊旗亭

壁間

官人廣陵張氏過崇德縣石門鎮題壁四首或云投河死 身隨奴去  
從奴虜愁聽胡笳聲可哀柔腸已似如針刺况值蕭蕭夜雨來 其一 深  
閨日日 寫鳳怨被干戈出盡堂前質那經惟虎口可憐魂夢繞家鄉  
其二 曠鞋脫却換官靴女易男妝寔可哀扶上玉鞍愁不穩泪痕空逐  
馬蹄踏 其三

車騎轉轉野店來憐我故鄉生死別花

枝已向別園栽 其四

妾本虎林女也所逢不淑再罹干戈臘月甚寒挾之北上終日坐破車  
中噶噶筋骨欲脫寒風慘烈塵沙眯目塞馬悲鳴淒其欲絕真蔡琰車  
中明妃馬上所不能彷彿者幾欲自經念妾本良家流落至此曾與魏  
里曹生訂終身交子顧才士必不棄予死之無名何如忍以相待已復  
念此乃又強食偶從將士閱省錄知曹郎已鄉薦旦夕公車至此悲謂

妾已死遂爾捐棄故乘暇寫此詩令知薄命妾猶然西湖月下心也  
當妾與曹郎晤時六橋明月十里湖山澄波渺然萬籟蕭寂妾次蕭怨悲  
泣曹郎舉酒釀天曰勿憂終當貯汝以金屋妾改顏謝曰無媒妁何以  
先是曹郎嘗懷一扇妾甚愛其扇上詩為桐山方生名在成者作有云  
蒼壁倚千尋空江自古今浪翻丹 合廟枕碧流深等句妾賞其壯涼  
高逸是時曹郎即出其扇曰汝佳此人詩此人吾好友海內名士即以  
為媒妁可乎妾拜受之至今數濱死不去袖中又聞此生亦登瀛薦儒  
曹郎不及見此萬一桐山生寓目焉謂妾尚存亦不負當日以骨長公  
待先生意也西湖薄妹宋娟和湘書 風動空江羯鼓催降旗颼颼鳳  
城關將軍戰死君王繫薄命紅顏馬上來 其一 廣陌塵沙滿鸞鴉北風  
吹雨落鉛華可憐明月空篋引幾度窮盧伴暮笳 其二 春風如繡綺如  
煙良夜知心盡闔眼今日相思渾似夢乍來可恨是蒼天 其三 盈盈十



五破瓜初也作明妃別故盧誰散千金致孟德瓊黃換下賸文妹其四  
南莊勝處妾常憶借問軒車早晚游美景難忘竹柳下好風爭奈柳橋  
頭其五冰消見水多於地雪霽看山盡入樓若待春深始同賞鶯殘花  
落卻堪愁其六妾命如朔風飄然振落葉不入即羅幃乃逐沙塵陌妾  
本良家兒留落平康劫十三工秦箏十五好筆墨樽前柔聲泪涇江州  
褶人謂素顏好妾謂多生孽武林遇曹郎心知不仗說忽爾天地崩遂  
令山川別一為俗子靈再為干戈嗵嗵呼大車中塵土滿鬢髻又倚那  
一半裘鐵肌冷如鉄畫則強歡笑夜則潛哽咽誰為文姬哀文姬猶返  
闕誰為明妃怨猶得封馬鬣而我薄命人終當染燐血所不即就死心  
為曹郎結曹郎爾多情豈忘西湖月曹郎爾多智豈不諫我節曹郎爾  
任俠思妻妻委虎穴曹郎爾多交豈無家傑煤灼扇上詩顛沛不忍微  
恩死一相別悲酸難再說又聞桐山生風流當世傑爾既善曹郎何不

一救妾

丙戌秋金華陷婦某俘入杭州行營庚寅六月其夫跡之以五十金贖不許遞至百五十金終不許婦凝淚語其夫曰第藏其金天下多好婦何我為其人益至二百金終不許婦乘間引刀自刎營卒怒剖腹搗其陰俄雷震死

新樂縣南關旅壁題曰妾本淮上弱質僻陋而無心戊子遭兵變滿之狂丈夫以我北去壬辰復挾我南征過此偶遇之子盱衡之間情溢於露氣幽於蘭嗚呼此誰氏之美也嗟余薄命感而賦此 北去南來空自猜編愁為 幾時灰妾心最慕漢天子自將單于不敢來 造次相逢若有私目成如漢農人知胸中歷歷不然事可得對床說與伊

冬兒

良鄉伎冬兒善南曲入外戚左都督田弘遇家弘遇卒都督劉澤清購

得之以殺諸少四十餘人其最姝麗者登兒也甲申澤清欲質二王存  
否冬兒請自往田氏探之遂男飾而北知二王已絕逃南澤清鎮淮安  
書佐某無罪殺之收其妻澤清降北虜相攻王贈宮女三人皆嘗御者  
澤清不辭而變之亡何內一人告變相攻王錄其家及所奪書佐之婦  
澤清供書佐有罪故殺之婦明其非罪且云澤清私居冠角巾謂事若  
此不如反耳澤清謀冬兒下刑部尚書湯嘗飲澤清所出侑酒故  
識冬兒因曰爾非劉家人遂免籍更嫁吳駿公作臨淮老伎行臨淮將  
軍擅開府不聞身強鬪歌舞白骨如何棄戰場青娥已自成灰土老大  
猶存一伎歸柘枝記得開元譜曉轉輕喉便泪流尊前訴出漂零苦妾  
是劉家舊主語冬兒小字唱梁州翻新水調教桃葉撥定鴛絃授莫愁  
武安當日誇聲伎秋娘絕藝傾時世戚里迎歸金轎車後來轉入臨淮  
第說淮游俠起山東帳下銀箏小隊紅巧箭射欄分盡的濃粧毬仗簇

花叢縱若房老殿殿在若論軍容粉黛工羊侃侍兒能走馬李波小妹  
斛弩弓錦帶輕衫嬌結東城南挾犀貪馳逐忽聞金闕起黃塵殺氣奔  
騰滿川陸探騎誰能來前門中間千里追風足消息無憑訪兩宮兒家  
出入金張屋請為將軍走故都一鞭夜渡黃河宿暗穿敵壘過侯家伎  
堂仍訝調綠竹謀山裨將帶弓刀醉擁如花念奴曲唇字逢人間二王  
武安妻子相持哭薰天貴勢依椒房不為君王收骨肉翻身上馬過南  
兵退駐淮陰正拔營寶劍幾曾求死士明珠還欲致傾城男兒作健兒  
杯酒女子無愁出曼聲可憐西風怒吹折山陽樹將軍自撒沿淮戍不  
惜黃金購海師西施一柯避崩濤急浪大於山飛帆援抱無歸處重來  
海口豎降幡全家北通遇長淮去長淮一去幾時還誤作王侯卻第看收  
者到門停妾伎蕭條西市歎南冠老婦今年頭總白淒涼閱盡興亡跡  
已見秋槐落故宮人看春草生南陌依然綠管對東風坐中尚識當時

客金谷田園化作塵綠珠子弟更無人相憐只有樓頭月長笛聲聲欲斷魂

秦良玉

山陰朱燮元總督雲貴川廣石砵宣撫司女土官秦良玉推度侃諤廉從俱美少年朱公子壽宜訪之酒間微颺良玉笑引曰宋山陰公王云陛下後宮百數妾惟駙馬一人以答

良玉僅勒兵討逆天啓辛酉永宣宣撫司使奢崇明叛據重慶厚遺良玉求助良玉斬其使提兵進攻多斬獲

忠順夫人書

萬曆十九年七月六日欽封忠順夫人卽三娘子上經畧總督鄭洛書曰蒙差通官大友等賫書到帳分付我盡知之回套之事我恨不能卽速登程奈因頭畜疲弱不能起身每想老大人宣大督鎮之日曾受

無窮恩典時刻思念惟天可表因洮河失事一節實 首反背 皇上  
洪恩有負大人擢舉將華夷大事一日有失幸蒙大人枉駕河西多承  
俯就其事乃不幸中之幸也今蒙老大人書諭由局都經過恐礙漢  
夷生事彼此壞名節本上會同吉襄由肅州邊外於川底行走已差人  
稟知四月起身我思肅州邊外路遙遠况老夫人在彼多有勞苦意  
要從鎮羌經過恥愧不敢開言如肯憐閨暗賜一音我自育主意彼此  
方便我目前西海之地因為失事致將我自愧未敢討些須之物今備  
絲銀十兩萬望老大人神力轉買各色梭布八十疋茶篋八疋白綾汗  
巾五十方綢砂二兩硫黃焰硝四兩砂礮十個涼扇十把書柬紙一百  
張若肯賜發我世世不敢忘謹具此啟再拜又銀六兩員梭布十疋餘  
銀買茶大廟堂鄭老先生大人臺下

彤管自宮闈淑枝溪外無可述矣儀仗難婦非法也蓋傷其志閱其過耳

豈足語風教哉更有流聞似不欲兼併附之以資嗚噓

嘉興某善射造山東遇女子單騎行劫接其矢反射之者三女子呼曰

君無相苦當下馬少有所語語曰吾聞人多矣頌願事若奉箕帚某從之

挈歸作孟子湖暴客久之入燕不返沈天生比部嘗識其人

甲申九月友人趙昌齡出杭之湧金門至剡園見題壁云芙蓉花發滿

隄紅盡道芙蓉勝妾容昨日多從湖上過行人何不看芙蓉

金陵卞荆璞同母寓武林西湖上作西湖遇雨詩重雲負我買名湖博

得蒼煙入畫圖柳去六橋春色斷雨來三竺遠山無滄桑變換笙歌歇

人事淒涼風月孤我欲才情寄蘇小西冷珍重舊持螯荆璞能書咏第

其人不足道 寄情蘇小矣

萬應庚寅山西隰州有民婦居山中日汲澗水忽聞鳥呼曰山要開山  
要開日呼耳婦不以爲异一日飛集肩上而呼婦歸告其丈夫日明  
日若呼當應之曰開便了果呼果應山旋崩出藏經一部皆宋版繕寫  
者卷末書興國材興國院造紙墨如新聞諸有司散各名山搗李王大  
同等朝五臺亦隨往捧誦而歸

魏文紳

沙縣魏文紳官知縣善待雨其術用大坡蟆一隻作火字四十九道納  
之腹中立壇瘞之山上三日而雨至暴雷震電雨罷於瘞所失坡蟆則  
在但不敢嘗試一日卽龍硤立壇二日夜大雷雨天明視之前池水已  
涸魚無大小各剖爲二文紳懼遂不復試



棗林雜俎 義集

鹽官談邊瑞木著

技餘

石磧

東昌某宦牡丹下噴噴有聲坎之得物目瑩瑩不食而息曹縣石磧曰此視肉古帝王葬中物壙氣見矣亡何某公卒克貳守錢某毀埋城端淫祠像臂流血駭之磧曰蝙蝠血也時仲冬搜得數斗曹縣志

鄧雲翁種牙方

嘉靖間閩縣鄧雲翁過異人得種牙方患者飽食後吞藥七丸復漱未藥湯諸牙立下以生鼠去皮和藥搗爛依牙之序逐枚照鼠種於原孔至死聖如少壯或老人牙脫以他牙種之亦如生成

張雷王八十

沁水張雷操術甚秘嘗元夕同友觀燈揚州旦即還舍署行求瓜濟渴  
主人不出袖出碎紙俄犬兔相逐斷其蔓主人大悔則呼犬兔於袖瓜  
蔓如初後遇蛇當便方咒禁蛇宛轉間瓜角俱出長十餘丈雷擊立死  
特術不戒觸忌神物也

王八十善召鬼能杯酒有待客己未嘗沾也或夜致麗人如李夫人帳  
中所見手之即滅沒所經墟墓言逝者貌飾俱合友某求其術尚齋三  
日俄私脯方符咒被雷震裸灼雪中以反誤我幾譴死卒亡子沁水縣志

### 牟康民

內江牟康民少年抱异術不知所從授萬曆庚申正月投牒於巡按御  
史黃汝吳之暉云明年辛酉九月蜀變方作方伯朱公能乎之令聞其  
入賀萬壽乞留任待極以拯我西人其另揮賣捧方伯朱公蓋右轄  
山陰變元也之暉故好數學年十四補諸生高等累舉不第從豫章術上游

年四十五聯第至是覽牒而并之方伯當入賀見之嗾於愛州紅留之  
不得蓋未母於人明年八十便道兼壽也之嗾狀曰蜀人無福請後期  
朱曰今秋入賀因歸省明年正月進賜三月當看花錦城矣之嗾許  
之瀕別以叱馭是望明年春朱轉左轄赴蜀出黃陂訪之嗾里第時之  
嗾按蜀竣過其里錢朱于知出康民所投牒授之曰事甚并君至蜀當  
物色其人而未未即信造九月重慶之變亟遣司劉峇魏武辟華馳  
訪康民山中距內江邑三十里第舍三極不受徵第曰有朱使君在  
何處成都百日之圍可堅守也及圍解又徵之辭曰平生不足今朝人  
凡警輒叩叩輒驗朱進巡撫復憂去己已三月拜總督之命開府  
黔中康民先寄札云使君重蒞黔蜀誠地方之幸八月安香俱靖從此  
造福十年但乙丙年罡星正照燕都仲冬金人內入畿南白骨如麻天  
下漸擾又云燕京旺氣已盡戊寅入大劫倥傯三十五年民不聊生丙

子十月又札云康民已心厭凡世遠適深山不復再候明年丁丑八月使君剋度不佳當乞休曠野以保餘齡否則戊寅之春將返樸還真耳少師疾跡康民不知所往先是巡撫劉漢儒學使何閏中招康民署中補諸生康食日長卧語多不效乃杖歸康民自稱又呆子所著兵機纂等書

### 萬曆末方士

孝感程芸閣大司空註云萬曆末值方士京師言萬曆當四十七年泰昌一年天啟七年崇禎十八年甲申夏程始述於人第疑崇禎差一弄明年五月弘光皇帝出奔甲午鄒人擁立王之明云故東宮也勅封中城獄神為王仍稱崇禎十八年事尤奇

### 蔡鼎

永春蔡鼎無能諸生也好易學著易蔡等書博通象緯來長安出入塞

上為大司馬幕府客然不能用也既久之乃南還其友人南雄推官泗州黃廷才于壬子預廣東秋閣語同事羅定知州上海包爾庚曰聞人蔡鼎近言崇禎歷不十八年國運中絕其怪妄如此時並笑之明年癸未秋鼎游金華時金華令江陰徐調元合樂饗之演沈沙傳奇見句踐青衣渡江鼎徐令懋藉曰戲耳先生世自苦鼎曰事即見之矣歎

求青衣渡江可復得哉舉族北轅今日之泪珠不能禁祭令退後以請鼎曰予燕中望氣三年氣且場昨歲宿蘆溝橋三夕諦觀天象竟無可為洒泣去之金陵有王者氣揚州鎮江多氛祲蘇常杭嘉等耳金華禍在不日恐千人不足殄也徐公私詫异之居亡何東陽許都

滅數千人明年燕災又明年吳災始追憶其言

包長明說

### 薄子珏

吳人薄子珏性敏悟書不再閱能縱橫成文嘗意製木童令司啟閉奉

客盤應靈動如生其議北方屯田不必開井但相上高下去涉五尺  
置乾草仍覆以土經日啟視其燥 溼保水脈開池功省利倍屯政舉  
矣

秦林雜俎 義集

鹽官談遠稿 木著

空玄 附 天主教

佛蠟

釋迦佛真身在錫蘭山國

無量壽佛真身在廣西全州

吳康僧會真身在海鹽金粟山寺 明初移南京天界寺

梁番僧智樂三藏真身在韶州月華寺

唐長耳和尚真身在錢塘西山法相寺

湘潭縣湘山有唐僧真骸至今存土人祠禱輒應 預靖息園存稿

阿羅漢

真臘國天竺僧僑陳如自西域來主其國至其首姓科科名質多思那

者日漸強盛嘉興嚴從簡殊域周咨錄曰杭州淨慧寺在羅漢像五百  
以僑陳如為首今觀陳如特表狄之主耳但教人事佛實非所謂白晝  
昇天降龍伏虎有諸佛靈異者也今乃崇奉香火以為尊神則其誕漢  
可知矣

### 目連石塔

永年縣城二十里目連村有寺一小石塔為目連和尚墓

### 阿育王舍利

鄞縣西五十里鄞山晉太康二年沙門慧遠感從地湧出阿育王塔其  
狀青色似石非石高一尺四寸廣七寸蓋盤五層四角挺然中懸金色  
小鐘不盈三寸舍利鑿於鐘下圓轉不定其光搖曳若即若離隨人隱  
見繞塔四則俱是樓空諸佛菩薩金剛聖僧八部像神工聖蹟非人  
力所及梁武帝造木塔籠之今名廣利寺萬曆丙子平湖陸冢宰光祚



瞻禮初見舍利大如芡實已如彈丸已大如瓜最優大如車輪五色變  
幻光采射  
秦和郭孔秦孔陵瞻禮舍利如視若赤米已如豆如  
蓮子同觀者或見如新菱兩角垂懸珠玑如北珠或見如葡萄色或見  
如桃瓣或見如金蓮花瑞相種種不一又秀水朱侍郎大啓禮拜見如  
菘苳許色熒熒如水晶喻項忽儼紅色次早諦觀之無有也北光初好  
僧竊舍利去今破以珠無異

### 達摩石像

嵩縣少林寺達摩面壁處崑山魏恭簡 校督學河南以西壁石與影石  
不同謂其妄命登封令侯泰鑿之今影石如故雖鑿不為損

### 玉石佛像

弘治間慶雲縣人掘地得玉石佛像二一北齊天保八年造一式乎六  
年造座上皆刻造佛文字併興造各人姓名自北齊至今幾二千餘年

而此像既沒復出物之隱見信有數存焉 慶雲縣志

### 宜夏銅像

宜夏古靈州城東北鐵柱泉旁有窟人莫敢入景泰間李某同一僕蔡燈以入行二十步推開一石門有銅鑄佛像旁有二僧屍復以錦衾其面如生而金貝之類環其左右恣取之將出風颯颯燈息門閉鼓鉦春鳴李恐懼斃死盡棄諸物俄於旁窟匍匐而出明日集眾住拙之堅不能入機械如洛陽也 宜夏鎮志

### 宋濂前生書華嚴經

宋景濂先生生時母先夢僧云永明延壽乎持血書華嚴經求借汝一室以完願後先生至蘇州半塘之聖壽寺恍惚前寺得經於菜井上則前元聖壽寺僧善繼所書書法如趙魏公端楷不苟八十卷如一名僧題跋今在杭州赤山埠西大通寺中見馮祭酒夢楨日記按宋慶應八

年張方平以攝明殿學士右諫議大夫知州事公為政清嚴一日游聊  
耶山藏院輒使仰因勅從吏助取梯掖步梁得經函函有書寫楞伽經  
半披玩忽悟前身故僧也寫未竟適乃為終竟書書法宛然不殊跋二  
生經時時為人誦經首倡偈云世間離生滅猶如虛空華知不得有無  
而興大悲心 蘇東坡東坡序之仍為寫刻浮玉山龍游寺中

### 藏經

國初重刻不減大減經板留大報恩寺四方僧家咸許摹傳見永樂十一年  
義烏王孫華陽教寺閣記今南京刊板藏禮部僧設非厚費三四百金  
不能得北京刊板在內府非特賜則奏請錄不能得

藏經舊刻六百三十七函梓於永樂庚子正統庚申成萬曆初 慈聖  
皇太后續刻四十一函起華嚴立談會立記至第一希有大功德聖記  
普陀山志

觀音夢感經

仁孝慈懿誠明莊獻配天齊聖文皇后嘗夢白衣大士口授數千言覺而記之自製序入大藏

佛牙

嘉慶尚書徐太室學樸集云守荊州見孱陵二聖寺佛牙形樸訛异香氣襲人其詩孱陵佛牙如掌大妙香伴供彌陀座三水 文太青翔鳳集云見南京西天寺佛牙頗疑其非寶蓋如來佛四十二齒若生長二寸博寸許則面當如車輪矣此必异獸骨也予於南京天界寺見佛牙二寸博寸許瑩潤如菜玉而竊謂太青所論大有理至孱陵佛牙如掌則又大於西天天界二寺所供矣按佛國記佛有四牙廣半寸長半寸一牙在阿鉢國一牙在天上一牙在海龍王宮一牙在乾陀國國王使大臣九人守保之月朝捧齎牙出夫牙廣長各半寸意得真真今所

見侈矣

寶金和尚

國初寶金和尚碧峰者留千佛袈裟衣一襲於繁峙之普光寺云人在之則死莫覆之則活嘉靖癸丑北入寇披於馬上馳驟往來亦未見有驗繁峙縣志

和尚嘗上書求增建賤司大理寺卿李仕魯言天下學校尚未建儒風尚未振而先為異端樹亦憾非所以垂遠也忤旨乞歸譴死

僧娶妻室

鳳陽大龍興寺即皇覺寺一日於皇寺太祖勅僧律一日有妻室僧人除前輩老僧蓋因元末兵亂流移他方彼時皆有妻室今已年老卅論外其後遊僧人有妻室者雖在長上輩比肩及在下諸人皆得凌辱亦無罪責今僧俱革娶人無差累

卽武汀州僧道皆娶妻寺僧數百推一人削髮落如民俗

雲南大理府山僧有妻子亦讀儒書

莆田林兆恩懋勛究心儒學兼通道釋學者稱三教先生嘗詣京欲上  
章婚娶二氏弟子安漢黃本移書止之有曰卽得行甚喜顧此時詣闕  
上書者皆黃縗符篆者流吾師欲以婚娶二氏易天下不惟不足以明  
三聖人之道適使疑夫子兆恩乃止

### 鐵塔

當陽縣玉泉寺鐵塔鐵鑊俱隋物

### 釋迦塔

應州沿西佛宮寺邊清盛二年田和尚奉勅立有釋迦塔高三百六十  
尺圍半之六層八角上下皆巨木為之曾如樓閣玲瓏宏敞稱爲內浮  
圖第一塔後大雄殿九間通一 次梁

周氏豐潤人宣德間生幼不茹葷長從釋教誓不出戶年七十餘坐逝  
隨吐火自焚得舍利數十粒甚神向北而去人多見之

寶光寺泥丸柏

懷慶府城東北四十里明月山高峻舒豁山皆古柏無他木云元泰定  
丙申僧寶相創明月寺乃以泥丸柏子持彈弓四 麓谷中今翁繼成  
林障蔽天日者皆泥丸柏也明月寺天順戊寅賜額曰寶光寺

智慧菩薩 尼僧

四川古城 女生而不葷好誦經年十九或議婚輒面壁卧經旬  
不起嘗絕粒食柏 成化五年促其父母送至江村口白馬寺樓上自  
焚結跏坐滅歷暑不朽神顯靈異鄉人遂炒沙菜其身裝塑成佛號智  
慧菩薩梓人多事之最為靈驗 四川通志

黃明立菩薩

臨汾泊庄村窰洪晉女生崇禎三年二月生時母張氏夢鼓樂迎菩薩  
至其家後嫁適王勳里人張問道俄感疾三年不痊因還母家疾如故  
遂禮佛趺坐順治七年正月廿五日云得道八月望日云在神前考過  
受西方佛封黃明立菩薩命作龕置空地西向廿八日午刻云火光菩  
薩太陽真人俱來相助至期火光自七竅迸出焰高二丈餘有白蟻從  
火內飛出翩翩直上觀者數千人忽聞空中樂聲异香三日不散初指  
於村西立廟經始之日忽南壁上生柏樹數十株長二三寸許有跡在  
焉

### 連觀和尚

連觀和尚真可宿吳江村庵中旦語主僧曰昨爾婦訴冤宜自省其僧  
嘗少嬰以冤死大疎殊异命即禮懺訖出佛前朱凡火之主僧如其言朱  
几鑲以石得赤蛇則婦孽也嘗宿華亭徐氏所曉起語主人曰昨夕女



婢訴銀壺之枉銀重十八兩三錢見在某室可覆按也因入其內指乳  
母床頂上果得壺如其重吳中書說

和尚寓嘉善東門外景德寺時大悲閣圯卜算之未利云後自有人甲  
辰五月錢相國士升明經時夢和尚為祝髮加僧帽出法華經示之使  
卷赤光熒熒寤後猶未知所謂達觀也先癸卯冬師化去已相國父疾  
迎醫于嘉興保嚴寺前偶憇經房問法華經幾卷曰七卷主僧出和尚  
血書法華經頓悟前夢道念始切其冬手書法華經一帛反解相重修  
大悲閣得和尚知而自題像摹刻於石見記中又手書法華經一部相國自  
說又曰邑人盛慈相問秋闈事師曰老鷄窠頭立慈相不解曰待子來

萬卷丙子登科

神祖手書金剛般若經汗漬欲易之命曹內官問和尚答謂曰御汗一  
滴萬世津梁無窮法藏從此放光 上大悅

慈山和尚

沙門德清 膠州旁山舊觀音庵地建海印寺德清初與內監張本善  
本奉 太后懿旨資藏經分散名山而寺無上名本遠填海印寺與之  
道士政義蘭爭其地具奏下法司擬本以詐旨論死德清謫戍雷州寺  
亦毀師嘗注老子至天之道其猶張弓乎子思之未得乃借弓懸壁間  
忽悟張弓與地對峙弣高而有餘弣下而不足祇歸無用及張而用之  
則抑高舉下捐弣補弣上下均停可以命中天道全以動為用主施而  
不主受也

關頭院

萬歷間關頭院不知何許人能分身現形一日至 菱湖鎮向小兒  
乞火置掌中即熾并其身骨俱燼

密雲和尚

齋雲和尚住鄞縣天童寺法席甚盛猿啗瓜師歎曰葉畜何不他食  
而必瓜之是及也明旦群猿卧瓜側不復啗

僧大香反史詩

周公正懼流言日王莽虛恭下士時次使當年身不死要留忠偽與人  
知

僧佛日送雲

仁和塘樓鎮僧佛日住黃鶴山已隱西湖之十八澗開法雨泉披榛數  
十丈見石壁鑄佛日字胡太史仲胤嘉計偕登舟僧挈棹送之滿趾白  
雲啟則濛流棹于蓬櫂之間郁郁勃勃所謂祇可自怡不堪持贈又  
轉作一解

祖師像

國初禁中有祖師畫像八十八尊供牛首山之祖堂萬曆

沙門達

觀以新安丁南拜奉之分送五臺城嶺南嶽錢塘黃祠部  
天竺寺嘉善錢相國臨之送景德寺  
臨之送

像不惹塵

弘光初游姑蘇之北寺有不惹塵觀音殿像設如新按酉陽雜俎都下  
佛寺神像往往有鳥雀不污者鳳翔山人張盈言或有佛寺金剛鳥雀  
不集者非其靈驗也蓋由取土處及塑像時偶與辰王相相符也

求履僧

嘉興李孝廉士晉有僧募復命僮索之僧笑曰果履乎季未解僧問其  
衣何物曰緇僧笑曰羊質虎皮李色駭僧曰能從我游乎曰請俟异日  
因入取履僧不復見

僧誦

南都有僧突達嘗前驅將捷之怨云打不得我 建文皇帝的裔也欲

啟其案又云中有內府勅開不得遂下僧錄司其僧猶端坐抗語因送  
禮部都下喧傳各衙門會訊莫敢誰何內一人強健解案則法華經一  
部也蓋犯道畏責作此誑語蒼雪上人說

臨川黃端伯司理杭州素佞佛新禪衲雲集有僧漢人求閉關靈隱寺約  
某日回首須二缶合瘞司理如其言遺諫守之屆期夜挾刃欲逞諫亟  
縱去其諫予所識也

張真人印劍

廣信龍虎山正一真人張氏寶劍二玉劍一印四一白玉方鈕徑寸二  
挾幅朱文上帝舊書一銀方如玉世廟所賜一白玉雙螭紐徑寸四  
闌幅文如小玉方國初所賜一金紐如畚道轟起雲雷篆今真人府  
燬器俱存

神樂觀歲給

南京神樂觀歲給乾魚萬斤酢三千斤米三千石小麥千石黃豆二百石芝麻五十石 舞生三百三十餘人歲支夏布三尺棉布 疋絹一疋綿半疋

張三丰

張三丰俗名 字玄玄號三丰又號斗蓬又呼邈邈仙聞縣人又云羊城人七歲能奕即無敵十歲習儒業失怙恃長入潘家華林遇至人偕棲三十年出山混俗歸闈補刑曹吏聞人未知也未幾因劫獄連坐戍貴州乎越衛同解將及境師浴於河溺焉明日自水出袖各司回文批帖解者探囊中原文已無矣始神之受重醜而別至平越于戶張信少敏慧善奕師往較焉稱國手一日殘局終宵抗衛因記之各就寢張夢老嫗汝甚當如是而後勝辰起不數着而師負矣師大笑曰甕山老母大是饒舌隸是人知其异遠近播傳師將遠遊辭故人十餘家皆錢于

一日席皆有師人愈異焉別張信曰吾為葬若父命信取骨自負指岩窟審曰汝勿懼往擲置之口中既入見石牛欲相咬畏而掛角出以告師曰大至封侯斯亦足矣復授鉄椎命往擊洞門石磴且曰擊不過一二推至斷而已張力不勝擊至七方斷見金魚飛去歸白之師曰惜哉汝八口止存君一人十年後位至封侯十二年間嘗會於武嘗言訖而去永樂靖難信以功封陞平侯至十二年果勅祭武嘗山見師山中石岩炊瓦釜形質憔悴破袖腐穢傾米飲為茶送一棗張不飲袖其棗而別下山視棗已長尺餘驚訝復上山尋師已遁矣追悔莫及師曩居平越高真觀今有禮斗亭浴池石碁局山中嘗有人聞磬咳聲向授岩谷後移居武嘗往來天柱五龍南岩紫霄諸名勝洪武庚午拂袖長往不知所止郭子章略記

按他書云張三丰遼東懿州人名君實一云實難人

范達

范達河內人有奇骨讀書過目不忘成化間葉家從异人游遂為武當山提點邑人甚至武當見達乘肩輿丰神飄逸羽從數十人與達語移時問其家事人忘又數年見達童顏猶昔行步如飛不得近後名其故居曰仙人村

桃林老道人

正德時 劉闡剿盜漢中牛山之燕子嶺草庵有老比丘自稱元時人白首童顏一問其年不記出度牒紙厚方七尺字如索蚓盤蛇蒙書也對人跏坐又至桃林園潤曉草舍一道人年九十餘色不槁云採桃實自給左右言其橐囊求餉明發稿二千人以金歸而復召此二人皆不知所往

湖蓬頭



朔蓬頭夏隸人如意里朔德之遠祖也。里界閭吾間就大溝上架木橋後出遊方外。明正德中有道人蓬頭至橋蓬云朔氏指其宅墓故址且言村巷某處舊有確石掘二尺許得之人且驚異居數日備於菴鷲家種田忽不見。

### 道人題壁

嘉靖初吳江平望鎮珠勝寺有道人題壁我自蓬萊跨鶴歸山僧不遇意徘徊時人莫解菩提寺三十餘年化作灰後毀於倭。

### 張福

張福者淮陰鹽徒也。性悍恣不下人。一日乘涼樹下有老僧同坐。老僧忽舉手擊張一掌。眾皆為僧危之。謂此惡少奈何。犯虎口哉。張默然。僧又擊一掌。不應。至三擊則叩首曰。吾解師意矣。僧曰。爾來至一卷與樹對坐。自日語。張曰。若有得矣。須歸富貴人。有善根者為木護。若妻子請。

謝絕勿念也。張歸舍其妻方與他少年淫媾，其人自床投地請死。張曰：若有嫌也，無恐不知。若有室乎？少年對曰：未有。張曰：子請遂，以為妻。又呼其子與隣老木，有子者，子之曰：亟去，無來。述我乃竟往投。萬聽成鹿圍，萬問之曰：若何能？曰：請為關者，司出入。萬因置之。門萬本大家，男婦嘗數百人，出入無忘。張日危坐於戶，至晚必報主人。今日某某出，某某入，有戲，張無禮。法者必告，居三日，萬氏門肅然無譁。又數日，萬知其急，確可託也，命為守書舍，司金錢出納，則錄兩無爽。有不經者必裁，節之一日，萬自外歸，見張坐其所坐處，呼曰：若胡敢踞我坐？張起而對曰：將軍胡無平等心也？萬登坐，覺坐席熱如火，心异之。又一日，萬自外來，則張寢其床，萬又呼曰：若何？乃爾。則又曰：主人何無平等心也？萬登床，覺床如火，坑大異之時，有吏部郎過，淮得瘵疾甚危，萬以語張，張曰：請為瘵之，乃相與背坐，吏部郎即覺背如火，焚也。自日而瘵愈，遂往京去。一

日張請於萬曰小子修立有微效矣請一靜室求一姬為伴萬乃呼柳  
數十人使擇張曰是皆不堪請將軍所幸姬萬難之已度其人非酒色  
徒也何難一姬以妨人道竟與之張乃挈一姬一婢入室墜堂而進飲  
食居八月以姬還萬詢婢曰彼日與姬對坐相去函丈未嘗近也姬亦  
素好道平日閉戶焚香掃地而坐每以悟真篇問張張不答亦竟無一  
語也張自出關則請主人白布數丈金二兩又書字一紙紙之與銀布  
同置一箱請以某日開萬如其言居亡何詣萬前曰小子歸矣叩頭而  
出萬望之不得使人亟走之其行如飛不能及也至故所遇老僧處跌  
坐合掌而化萬乃開其所藏箱則上書曰小子以某日行請以布帛以  
金制龕主人親封之萬乃歎惜恨失至人也居有頃前史部郎自長安  
以請急歸來謁萬萬曰若知張福化乎吏部郎曰吾於濟上遇之談笑  
竟日胡遽有此萬亟開龕則僅有布在其骸不見矣萬諸僮嘗見之淮徐

間萬本名將晚歲好立每日靜坐守中辰謂此有為法非無上道萬每  
叩其有別術不語但曰天下無有富貴神仙孰能兼三公而存天下賢  
者以澤蒼生孰能兼萬金而施貧者以脫人於死孰能割恩愛塊然獨  
處而與虛白為對無是三者請勿語道少司馬許公孚遠亦識其人津  
津稱之曰世胡有此異人也 馮時可二氏錄談

馬自然求職通志

鹽官馬相字自然世為小吏自然獨好經史工文學嘗徧游方外至湖州  
醉墮雲漢經 而出衣不沾溼指溪水能令逆流唐大中十年 葬於  
其家東園明年東川奏劄南梓潼縣有道士馬自然白日上昇 杭州  
發其塚止存竹杖今塚不存有石井在海鹽縣西北十二里云自然所  
鑿嘉靖戊午武進薛應旂督學兩浙修通志意廢仙釋不錄七月二十  
四日有神降箕曰丹陽道人馬自然煩大夫辛母舍我薛曰欲入志乎

曰然遂不敢置 杭州府志

### 高古峯

柳州東門高古峯

好道棄家游桂林蒼梧間簡辛少文晚隱端州

石室十年入廣州教人以死心孝廉李潔問上弦兌八下弦良八之功曰亦用之或詢以歲里曰多事生弘治庚申終天啟壬戌九月年百二十三歲

### 呂仙自序

萬曆初葛守禮殷士樞楊博王家屏諸大老會燕邸齋肅求呂仙其書本唐之宗人名瓊字伯玉配金氏生子四甘美豐死年五十登第授縣不意有日月當空之禍凡我同宗觸之者滅予甚恐集四子携妻山下築於洞僅兩口故氏呂名石字洞賓後妻亡號純陽子

### 道士火道

山陰王褚學萬曆乙未進士是春讀書京師西山夜對燭俄閃爍有聲見人自燭出可三四寸盤走几上尋登坐則修一二人如道家裝侍兒驚匿亡何又盤走地上儼然人也語王曰毋其避也且乞茗因共語雜鳴而別漸縮如初入於燭明日訪京師中貴云是日大內齋朝或道人火遁也王終南海令其甥朱若一說侍兒尚存

麻城道士

麻城道士 以道術著黃州守某憂子婦因尋布幣求療道士方象奕奕畢語使者曰爾第去亡恙第胎衣中還我一暮子使者反果產胎衣中暮子在焉 包令騰說

清河异人

萬曆七年十二月有異人經清河縣之唐冢口坐而化偽傳 淫  
 禁遠近喧動男女焚修者數千人大為地方憂時令向日紅入朝明年

三月還任 衆已漆其屍而神之立廟日紅陽為祭文默酌植一枯竹  
曰屍誠神三日生吾竹仍為廟否則不廟也越三日竹尚枯乃毀而瘞  
之謠言頓息然人竟不解其故或曰病也 清河縣志

### 苦道人

姑蘇苜道人不知其所自敝繼行乞歷寒暑如一冬月鑿冰而浴人咸  
异之嫌其垢不欲近而就問多驗弘光二月坐遊鼻垂玉柱尺許時予  
客蘇卻值華亭朱尚書國威國威好養生家言云嘗就門道人誠異人  
也

袁林雜俎 義集

盛官談遠孺木著

烟鑒

柄相末路

嘉靖戊申年大學士夏言臨禍貽憲副吳學愚賢壻吾擇壻得汝門楣  
光矣志難賴汝扶持累汝受驚苦多矣無以為報但我有志恢復河套  
欲自盡犬馬之忠不虞至此今復何言今且死矣身後惟有平生奏疏  
詩文諸稿望子為我編校成書諸序並年譜乞借雄筆以賴不朽諸稿  
有文五春一經手亦已囑之矣我平生大節賢壻所知得禍之詳賢壻  
所悉他日世有公論不能無望賢壻紀錄留心留心千古之托也處  
分家事別有遺囑賢壻亦與但望教導諸子煙革各宜守分仍道我苦  
處俾勿起爭端以召意外且以彰吾之過也遺言賢女安人我止有汝



一人又不得一見而死于里遠來何以為情哀哉哀哉身後望汝歲時墓上看看切切今不知生死何如又不知去配所否今不能作書以已死已去不可及也生離死別家散人亡可憐誠可憐哉勿復道勿復道汝夫婦各要和睦世上事汝今知之懼樂難得也 擲筆長逝勞形生何為忘情死亦好游神入太虛相伴天地老吳春山東按察副使

萬曆十二年故太師張若正子禮部主事敬修自縊遺詞

四月二十一日聞報二十二日即移居空宅男女驚駭之狀不忍言至五月初三日印侍郎至府初四日即差官提張敬修面審其中細微曲折之情不及多言但其大主意在屈坐先公以二百萬家貲人妻我板承天夫陵本縣三家要坐曾確菴家寄銀十五萬兩坐王少方家寄銀十萬兩坐傅川家寄銀五萬兩他云依說便罷如不從則當奉天命事其間恐嚇人之語令人膽破魂飛嗟嗟此三家者皆忍仇禍患與張

門同之以數十萬為寄何其愚哉或當事者處心蓄謀已定區區何能  
分解而威勢所只得欺天在人從之大數十萬銀吾意三家縱濫亦  
何能有如此之積天上飛來之禍何愛片言之重只得從之之意蓋  
料三家斷不能完結此事吾日後何面見之區區微表不能自白恐後  
世以敬修為何如人品今又以母子叔姪恐團聚一處有串通之弊乃  
於五月一日出牌追令隔別不得相聚接語而母南子北夫東妻西  
又懼會審之時嚴刑拷訊羅織鐵鍊後日事又大可慮者令幽囚倉壁  
風雨蕭蕭青草鳴蛙無不助予之悲悼人非木石豈能堪此凌鑠告知  
神明決一暎而萬世不視嗟嗟人豈不貪生畏死而敬修遭時如此度  
日後決無生路孔子之聖也而死顏回之賢也而死况乎日於生死利  
害審之熟矣今屈死黃泉勢不容已承家祀祖并奉祖母二母鍾鼎則  
有諸弟在予母表受辛苦予妻素賢明善持閨內有古烈婦風吾此舉

不能自保可憐我幼兒女皆六歲

稚子言至於此痛心酸鼻不能

終其說他如先公功罪與近遠濬誣陷事情則自有天下後世公論在  
歲修不必言也獨空坐二百萬又欲屈坐曾王傅三家三十萬歎天枉  
人不得已託言片楮沒齒以代剖心此書各司道一目非肯為溝瀆之  
行也五月十日寫完以期必遂而夢兆稍吉不果至十三日各致差上  
司會審叔姪俱嚴刑拷訊徇勒扳扯他人亡慮數十家扳而合諸公意  
即首肯之不合其意者叫另開來合則從不合則夾打令人魂落無生  
氣嗟嗟此古今宇宙未有之情父母遺體生平眼不見刑具脆薄之軀  
豈能勝之各位上司奉命而來如得其情則哀矜而喜可也何忍遽至  
於此嗟嗟此數之莫可逃也既令扳各家倘臨時對理不驗何以見諸  
公而且諸各扳扯亦多人皆平日所未聞者吾輩寔死豈能扯他人以  
解己之禍甚矣上天之愚弄人也而又使吾叔姪輩自愚何忍何忍任

巡按活閻羅 也有父母妻子之念何忍殺人媚人以如此之酷烈也  
今不得已而死明心萬分出於不得已若十三日拷訊口詞綿里三尺  
童子怜之知之不必多言有使乞傳山西蒲州張相公說張門事已完  
結矣無煩挂念願他輔佐 聖朝明天子於億萬年也

談邊曰讀夏氏張氏二書令人悽然以泣才具秉國之鈞

震竦氣

勢迴山嶽一朝失據步入西市諸子為囚富貴安在哉今貴溪江陵之  
論定矣功九而罪一敬修懃死亦知洪朝選劉臺之冤乎昔關將軍沒  
後時在荊州玉泉山現靈有僧呵之曰顏良丈夫丑頭安在敬修書成之  
日洪劉之冤案結矣印侍即擗齊人之有聲望者懸貶酷拷貽楚患數  
年卒無子亦未嘗無天道焉

崇禎十六年五月

大學士周延儒放歸復見微知不利憂泣或請

解於中官賤嘉定伯周歲十萬金或達之

中官以駕久不至奈何請

授指 東宮 東宮每晨謁至是啟曰近來久不見周先生何也 上

曰爾何自知先生曰父皇嘗稱周先生故知之 上曰此非好人今不

得稱先生 上心知其指尋賜死道曙錦衣衛 司法曹至私

卽排闥而入相國披裘起裘絨巾家僮見耳目有异各驚匿求青衣未  
得纓枝脫而衣之拜命飲泣求筆墨占白倉皇不為使者促之擊箏就縊

狂誕

餘姚諸燮子相嘉靖乙未進士除兵部主事以簡抗忤時謫茶陵州同  
知量移潮州通判轉卽武同知寬簡御下勤於勸學氓士胥悅愛素深  
經學脫略自喜家居惟授徒自給後客巖陵大醉般礴裸游相江龜噬  
其陰以死

崑山王逢年游京師為相國惡鄭袁焯字記時飲於市遣使四索因諷  
之怒曰爾時文登第立文拜相乃牢籠天下士乎去之逢年嘗偽撰漢

黃憲天祿閣外史陸慶初逢年坐事死

吳縣張獻翼幼於太學生能詩好游仕路押聲伎慕古樞阮之習與友人張孝資或紫衣挾使伎或跣乞市中或歌或哭獻豈贈孝資詩中年分義深相見心莫逆還佳不送迎抗手不相揖荷鍾隨吾行葆瓢並吾乞中路饋吾漿携伎登吾席蒿里聲漸高雍露歌甫畢子無我少雙我無君罕匹獻翼每念故人及亡伎輒為位置酒向空酬酢孝資 生祭自為尸獻翼幸于弟良麻環哭上食設奠孝資享之期日行 哭禮設伎樂哭罷痛飲日收泪自是幸以為常萬曆甲辰年七十餘携伎居荒園中殺於盜沒後人皆惡而諱之

鹽官談選瑞木著

麟候

五行

儀封王子衡廷相曰甲乙丙丁子丑寅卯大挽作此以紀歲月日時非有所謂甲乙屬木子亥屬水之說然亦偶爾宗之即以當年為甲子歲仲冬為甲子月冬至為甲子日半夜為甲子時不知經歷幾千歲後人乃以立行分配之此半塗立論無所本始不待智者而後知矣且大立行之氣無則已矣有之則一日之內無不全體俱在安有今日為木明日為火又明日為土為金為水乎何春止為木夏止為火秋止為金冬止為水乎何土惟旺於四季而餘日土氣即絕滅乎谷何祥大論五行書新都楊用修慎曰今之易卜以甲乙起趙青龍丙丁起未雀戊己起勾陳

起騰蛇庚辛起白虎壬癸起玄武蓋不通理者遷就之弊戊己同為土豈其分為二騰蛇為北方水獸何以移之中央乎今定其次戊己共起勾陳而壬起騰蛇癸起玄武得其當矣何也北方之次於卦為艮有終萬物始萬物之意于方為北又為朔于人身為腎有左右于卦為習坎於器為權衡於物為龜蛇於色為玄黑於官為脩熙於四德為貞正而固亦兩事也於太玄固蒙直道冥以配四時而冬兼道冥且壬為陽水以騰蛇之雄配癸為陰水以玄武之雌配不易之道也此悞千餘年矣卜之不驗豈不難此

東粵李潔曰久晴遇丙丁必雨久雨遇丙丁必晴而庚甲次之若遇丙丁而不變是請日祈晴月不換丙乃天地之病故病從丙也北方淫雨百姓即請官吏祈晴仁政之先務也南方往往太遲八月有二易緯以節呂氏春秋以方烈風多起於戌日而箕宿次之



雄日

甲子值單日為雄雙日為雌林中有樹似松名宜音之食其葉者身為金光

子日

正月上旬無子日大臣不安位焦周說

上戊上丁

李夢陽曰郊社辛社稷上戊孔子上丁戊在丁後故先丁如十日丁則一日戊當先戊而後丁以丁不常十故人鮮知一日之戊弘治間吏部主事楊子器上言戊從初十之丁則次戊非上戊也時無諳禮者竟廢不行

制日伐日

入山當以寶日及義日專日者大吉若制日伐日必凶靈寶經奇門書云段如甲子日子水生甲木下生上也為義乙丑日乙木克丑土上克下也為制戊辰日上下無犯為專庚午日午火克庚金下克上也為伐

丁丑日丁火生丑土上生下也為寶晉時拜官封爵用寶日上任用義日

五雜俎

### 立春

立春日邑首甲授長二人夜半於縣治前盡地值草如耕種狀值人畜  
即止以下歲多驗萬曆中嘗失期候春田官呵之答曰諺有之不種田  
時吃白米歲果稔

成化元年崇禎元年並元旦立春華亭陳繼儒眉公楹帖歲朝春百年  
難遇 聖天子萬壽無疆

立春日望三素雲見修真八道秘言

### 上巳

三月己日始為上巳非三之日也

### 黃梅雨

周處風土記夏至前雨名黃梅雨杜工部梅雨詩南京犀浦道四月熟

黃梅湛湛長江去冥冥細雨來茅茨疎易溼雲霧密難開竟日蛟龍喜  
盤渦與岸迴按玄宗辛酉置成都府尹疏為南京讀其詩梅 與江浙不  
異也今俗作嶺字

### 競渡

黃州俗五月十八日有龍舟之戲設屈原像及祇候俱運機按服飾極  
麗金簪玉道 嘗二三百緡土人舁舟送之江中順流至其灣土人先  
泊舟掠以為常

### 火節

雲南六月二十五日入夜家家束松明為庭燎雜以草花高丈餘燃之  
殺牲祭祖老少圍坐火下飲酒連旦自官署都邑以及鄉村田野無不  
皆然謂之火把節又謂星回節相傳漢夷首阿南夫為人所殺誓不從  
賊以是日赴火死國人哀之因為此會一云孔明是日擒孟獲侵夜入

或父老雖呼設庭燈迎之漢程記或云弔忠臣王禕非也

中秋十六日

四明中秋宴飲以十六日初宋相史彌遠官臨安還家度節阻風至是夕始到遂沿為俗

九日

御袍重陽所服製為菊朵

大小清明

福建將樂歸化人以三月為小清明八月為大清明後墓者間小發毋敢大廢

朔望行香

洪武十七年勅每月朔望祭酒以下行釋菜禮都邑長以下詣學行香按朔望行香之禮古未有也北齊每月朔祭酒博士諸生辰拜階下廊

縣朔朝是時未藝今所謂香也然朔日行禮則始於此其後遂以朔望  
行香朱子曰謁宣聖焚香不是古禮拾香不當叩頭只直上捻香即出  
笏叩首而拜由是言之則宋亦然矣但儀節與今不同今只行拜禮東  
陽王嘉志澄海縣志

### 天門

鄒洗馬德溥疾篤幼孫方六七歲同二三女童見天門開空中有大白  
鶴背跨冠緋秉笏者兩翼金甲神挾侍方刀鶴飛欲下又旋轉再四須  
臾入室不見僅白雲從庭左角自地及簷而去不旬日鄒逝

姑蘇沈文字雖優人而事母至孝嘗語予曰萬曆癸丑七月三日客坐  
中夜俄天門開流光晃耀朱儿上蹲爐歷歷在目亟呼母出視母命拜  
良久而隱

戊子九月二十五夜漏且盡天門開有火龍自東向西北又一龍相接

掉尾落數小星

月

崇禎己巳十一月 日邑人洛塘周氏出葬夜分月中界畫如十字  
人皆見之

庚午七月六日有小星入月良久乃出自東而西去月二尺許竟不動

風

崇禎辛未六月庚戌臨頰有大風林氏杜氏等家產俱飄半空鋼鐵器  
碎盡瓦器獨全

庚辰七月天津巡撫李繼貞閱武帥旗不風而動明年三月亦然且作  
笙簫聲見印報 石尤風李義山詩來風貽石郵

二雨辨

無錫印文莊 寶二雨辨云雲興於山勃然滿盆既蘊而隆以雨者山雲

也謂之山雨雲興於海倏然瀰漫既翕而盛以兩者海雲也謂之潮雨  
海雲之雨乘風以行雷鳴則止山雲之雨挾雷以動風吹則散此其大  
凡也海雨夏少而秋多山雨夏多而秋少亦各宜之易是為變而無雷  
吳天台王子春云 雨師併翳風師蜚廉雷師豐隆

### 雀鵠

餘杭徐司理茂吳桂卒之歲甘露降於後園新安吳山人德符走曰恐  
是雀鵠果應其兆

### 雷

嘉興吳太宰鵬家內樓雷震後凡金玉銅甕之器俱一細孔如粟海盜  
轉塘徐氏有婢抱主人兒被震死雖兒亡恙後若干年亦場姑蘇人某  
雷焚其袴外衣毫不損也雷神亦善戲矣

萬曆戊辰六月二十日福建平和縣東廂外陳孫家有兒在輿中雷震

具典而碎兒仆地活

天啟乙丑廣州濠拉里方氏婦張媼居元夕觀燈俄黑犬隨歸二月夜  
忽電光燭一室婦携孩幼坐榻犬若懼畏依人時見數神若十四五歲  
童子無髮者環榻二三尺啟前喻時忽捕犬去之

清朝辛卯四月九日蘇州張某雷焚其廩米如粉時米貴某索高價也

江南二十八景

華亭顧東江先生清云江南二十八景梨花滿放梅萼盛數茶笋初肥  
桃柳相媚枇杷摘金楊梅獻紫牡丹闔色芍藥繁粧海棠曉睡薔薇畫  
青菱荷新發菱芡初嘗尊醴正美秫酒始釀稻花成雲麥風如浪鱖魚  
薦鮮紫蟹滿膏橙黃橘綠蒲長葦茂菊圃千名古剎一色松花成餅桂  
子為蘂蘭蕙列庭水仙置席鶯啼春樹鶯映秋波陸平泉曰尚有二景  
菜花如繡稻米如玉馬元成集



日本小麻

弘光初有携日本小麻一紙來者並夾字首題寃永二十一年及大將等字彼遜齋何嘗奉正朔也

男產

嘉靖乙酉

農人孔方產兒候旬西徠野記

萬曆丁巳正月二十八日奉化縣後陽村男子辰一產兒並活亡恙後妻舒氏未姓同盧某負販或曰兒之孛盧為之也徐見可尚墨亭集  
又大同中翰馬呈德婦萬麻癸卯孕庚戌免身凡姓六年子三歲能誦詩書見謝肇淞江五雜俎

人疴

崇禎庚辰吾友王介人胡至徐州且作人面如畫至於盈畝携歸見之又太行山桑柳並生人三四寸裸而黑揭燈上口噴噴有聲

雞腹小兒

嘉靖二十二年太倉州塗松鎮沈氏殺一雄雞剖腹得小兒五形皆具  
太倉州志

飛蓆

嘉靖三十四年會稽有物方長如尺躡飛空中映日作金色數應曉遂  
之有因劉朝忠祝曰果祥也則墮已漸近果墮則縣令古文炳革蓆也  
官命讓之會稽縣志

大明門黑氣

崇禎己巳夏卜者周于賜語 賀中冷世壽 曰黑氣蒙大明門久矣  
非休徵也及十月遵化失陷烽火偪於都門

鳳陽鼓樓

壬午鳳陽鼓樓忽揖去成平地太守往驗坐良久俄晦冥聲如風寇樓

復故却縣錢元清記

集異

丁亥八月晦是夕天上歷歷有聲如潮十餘刻乃息又是月七日午刻日旁見一星明日亦如之

十月松江黃浦鮭魚大上至妙嶽

嘉善東門民家雞翼生爪各邑多有之江陰獲雉足如鴨

戊子冬至前三日薄暮鳳凰自海鹽過海窺向西北而去萬鳥從之約二十里斜橋趙氏蒼頭見之

庚寅四月六日有斷龍墮蘇許墅關見即報

九月十七日錢塘北高峯崩明日靈隱寺鑿土得僧墓

十月朔午刻日食既望日嘉興東門外雨絮友人金嗣孫龍友舟行親值之夜月食

二十四日夜黑虹竟天起西南指東北若開闢者三

辛卯五月二十三日大雨海墮東門外漂一樹巨數十丈

七月寧波府有异歌兩角驢面馬鬣豕蹄尾短僅三寸如鹿色黃自祖  
關墮於老籠灣躍岸即人驚逐越城而奔至湖西民家復逐之遂出西門  
走二十里獲於高橋送郡守轉至海道王爾祿觀者如堵皆莫知其名  
或云山羊以冀似之數日死人啖其肉味類鹿是日定海城獲一鹿亦  
以進八月大星隕於海

棗林雜俎 義集

鹽官談遷瑞木著

名勝

石經山石經

順天府山隸西南五十里石經山峰巒秀拔故曰小西天隋大業間僧靜琬懼本教有難不能流通發願募工鑿石刊造一大藏經積於此山以備其後至唐貞觀初僅成大涅槃一部法師卒其後人迭刊造餘命慮邊金始完一大藏貽於岩洞者七地穴者二洞鑿以石門穴鎮於淳者自來兵燹不之及一說志

硤石山

澤州城南三十五里硤石山高數丈頂平若砥縱橫十餘步相傳慧遠隱此著涅槃經成擲其筆曰若疏義契理筆當住空已而果然因名擲

金窩山朱書

豐潤金窩山極險峻山腹石壁間宛如門扁而不可開上有朱書數行可辨識者惟縱有黃金人不見七字其書雖極力磨洗不滅人以為金鏡所在

豐潤縣志

邯山

漢地理志邯山在東城下金地理志云邯鄲有邯山鎮即今城東代召鎮是也又水經云牛首水出堵山東經邯鄲阜即張晏所謂邯山在東城下者以今觀之東城之下不惟無水且無山矣然則三說何以云爾也嘗味水經之言謂邯鄲阜即為邯山此說深為有理蓋上高曰阜不必其崑然峩然而人皆謂之山也夫求一阜於千百年之下能保其不為平地哉况山夷則水竭而邯山之下即有邯水亦漸漸乎其漸涸

也余觀浮邱縣有所謂浮邱山者今亦漸平為地大抵皆邱山之類耳  
卽野縣志

### 二郎山

遼東綿州城北三十里二郎山破石多如彈丸可入砲而輕督師孫承  
宗戲曰二郎神好用彈想其餘物

二郎神為清源妙道真君卽嘉州守趙煜斬蛟者也未詳何代何封稱  
為二郎

### 倚陽山

林縣倚陽山桃花洞北齊高歡冬月被兵圍於此期以桃花開兵解已  
而桃花果開圍遂解後洞口桃花冬月盛開今不存

林縣志

### 水神山

山西孟縣東北十里相傳昔周世宗女秉性貞烈不欲適人潛於是山

樹下涕泣渴而思水扣地得泉自縊於樹鄉人因立廟祀曰水神山

### 火山

大原河曲縣西五里古稱火山軍山上有孔以草投孔中煙焰上發可熟食不生草

### 呂梁山

永崑州東北百里呂梁山俗名穀積山與交城接界呂不韋曰龍門未闕呂梁山鑿河出孟門之上

### 石鏡山

崑崙縣石鏡山有石如鏡足以鑑物黃巢寇宣歙過此照見其狀如獼猴大怒積薪燔之石遂無光久乃漸復崑崙府志按石鏡山不一吳地記臨安縣東五里石鏡山有石鏡徑二尺四寸甚清具見人形狀

### 陰陵山



陰陵山今全椒縣東南二十五里九閩山云楚兵敗欲東渡烏江經此與漢兵一日九閩其山石尚有孺劍跡有迷溝為田父紇處今三汊河有霸王廟所產艾草皆低頭為拜瓊甲壁之云 全椒縣志

齊雲山善惡

休寧縣齊雲岩嘉靖中改稱山立立天太素宮曰善山惡山善山為君惡山為夫人分祭則災合祭則福

天台山仙女

天台二仙女宋景祐中 明昭採藥見金橋跨水光華炫目有二女戲於水上殆水仙洞府也

天台縣西七十里明宕岩西有泉蔽崖而下渙若垂箔寺僧亦用竹縷引之從高下墜號曰永宗

天台縣桃源千山萬山人煙斷絕其中古桃樹年深化為精魅常迷人

宋王介甫夜坐梅月照軒窗讀易忽有一姝容顏姝麗見介甫自言知易遂與相談論盡前妙理實能發人所未發介甫喜甚問得報司馬君實來訪介甫出迎至軒中彼姝即隱身不出及司馬出彼姝復來介甫怪而問之對云妾乃此梅花月之妖君實正人妾不敢松見介甫然

仙居山蝌蚪篆

仙居山縣西四十五里險絕難升上有石壁刻蝌蚪篆文晉義熙中周廷尉領郡造飛梯以蠟模之莫識其義後守阮錄携笈往觀雲雨景日不見仙居縣志

雲黃山

義烏縣南二十里雲黃山傳大士饒虎每化為石青白而紫有陶氏居山下嘗資給大士遂視之曰他日以飯石琢數珠贈汝胃自茲授記惟此一氏家能之女已嫁則不能他人倣效石即穿裂義烏縣志傳翁

義烏柘亭里人因取魚食嵩頭陀曰試自照水乃見員光寶蓋即悟前  
因因具闢道場頭陀指山下雙梅樹曰此可以結庵若行七年忽三佛  
來自東方有金色自天而下集於其身從是身嘗出妙香聞空中聲偈  
梁武帝召赴一次入重雲殿不拜徑登寶榻與帝問答詔還山號善慧  
大士

### 玉華山

蒲谿玉華山庚寅七月忽裂二三里成潭又距十餘里曰橋下湖有巨  
魚如舟土人毒以巴豆不得

### 伏龍山

襄陽城西三十里伏龍山為隆中諸葛氏草廬也今有祠西八角皆井  
頗宏敞明襄簡王葬處竟乏嗣人謂武侯之英爽可畏入南陽距城  
八里云八里岡亦曰隆中國勢蜿蜒如帶高僅數丈亦有祠嘉定徐宗

伯學謀俱游之謂襄陽可據宛人不能壞而有之蘇子瞻詩誰謂襄陽  
野生此萬乘師蓋指伏龍山云見宗伯集中

### 玉泉山

荊門州玉泉山有關侯祠祠下方二十步皆黑土相傳侯嘗住兵作書  
遺其子平書罷以研汁擲地故至今土為之細其青龍刀豎石罅中以  
手摩之輒動然役千夫之力不能舉也

### 孔子山

黃州東百里有孔子山相傳孔子適楚嘗登此山上有坐石草木不侵  
有研石每雨輒有墨水流出

又澤州南四十五里天井關石上孔子將入晉聞趙簡子殺竇鳴犢至  
此迴車轍跡尚存深尺許長百餘步後人因立廟道左

### 太山

沁水張大理五典度太山自山下至巔五千三百八十四步五尺為步  
紆折皆在其中高三百八十六丈九尺一寸實十四里零八十餘步漢  
官儀云大山自下至古封禪處凡四十里皆妄也有太山道望記近馮  
生過太山云不甚高廣不知何以得名如此

太山上秦始皇立無字碑或曰碑函或曰鎮石或曰表望或曰待刻闕  
人謝在抗筆浙親至其地云元君祠當公署中尚有斷碑二十九年疑  
卽所剖石也其豎片石為祠記表望明矣五雜俎

太山捨身崖在日觀峰下愚民往往捨身投崖邀冥福尚書何起鳴設  
垣牆示禁勒曰愛身臺

### 成山

文登縣南百二十里成山秦始皇造石橋渡海觀日神人驅石鞭之見  
血至今山石皆赤予謂山石色赤者多若天台赤城黃州赤壁豈亦有

神驅而鞭之乎其造橋事容有之然亦不至望洋也五雜俎按成山東  
召石山神人鞭石處見三齊略

### 青山

曹縣青山諸生却元嘗治園見瓦棺長丈許高五尺朽骸風滅瓦刻字  
莫辨儀從夾侍大僅尺末波斑剝意春秋曾先公遺葬却元於南京為  
予言

### 東浮山

山西平定州東浮山距城五十里即女皇氏補天處其煉石灶尚存石  
爨勝他產諸色石俱可燒明學士陸文裕深過其地得遺跡問土人  
及學士大夫皆曰古跡實然歲上元夜家置一壚當戶高五六尺許實  
以雜石附以石炭夜煉之達旦燿光上燭天為之赤至於今不廢是謂  
補天文裕語大宰喬莊靖守曰女皇祭物宜前民用故制此以通昏黑

之變輔皇註之宜蓋曰補天之所不及耳崑山集

### 崖山

太原縣東有崖山天旱土人燒此山以求雨俗傳崖山神娶河伯女故河伯見火必降雨救之今山上多生水草

### 羅浮山

羅浮二山相合屬博羅縣取道增城則近其上多奇植并有松人許  
匣置數年植之復生有竹葉符每竹止二符乃篆書仁字色白澆之不  
脫五色鳥持集人肩上虎不噬人有王野人圍花寶森茂春冬亡間遊  
人任猶持歸即迷道而圍原無定在也又有僊樂風月靜夜每聞之道  
士擬製今冲虛觀所奏頗得其聲李康

### 銅鼓山

貴州威清衛西四十五里銅鼓山諸葛亮南征於此獲銅鼓故云土人

云山有洞藏武侯盃中先代有可入處今石門榛蕪人或臨之蛇蜂交集不可入每值陰雨聞者如銅鼓鏗然作聲貴州通志

### 金陵國

金陵國在應天府龍灣相傳秦始皇埋金人於此碣曰不在山前不在山後不在山南不在山北有人獲得富了一國始以此地氣感誘人鑿之耳其愚黔首若此而亡秦者泗上亭長乎子嗟夫祖龍之愚應天府志

### 飛來峯

錢塘靈隱山之飛來峰元僧揚遠真伽徧鑿佛像 明嘉靖 太守  
福清陳仕賢以楊及邨僧闍僧三石像斷其首瘞獄中獄疫實誤毀佛像也近來有續其首以佛故亦多事矣 陳仕賢嘉靖壬辰進士

### 回雁峯

衡山回雁峯相傳雁不度衡陽然衡陽之南亦有雁但過此則漸稀耳



或曰峰勢如鴈翼之回 衡陽府志

### 六真洞

山陽縣六真洞元真人印處機劉處玄談處端王處一却大通馬钰

### 燕子洞

貴州平越府有燕子洞紫燕子百為群潛藏於此冬不北窺洞口二丈其土疏而粘黑而肥土人用之糞田進洞口二里持炬至大洞源泉混混聲如鳴金有時響聲如擊楫時有黑衣人乘霧出入豈燕之聚精耶

黔紀

### 燕子岩

林縣燕子岩在炭場北秋冬燕子蟄其中 彰德府志

### 七盤坡

藍田縣東南有七盤坡古武關之地

鷲公坡

番禺鷲公坡每風月夜集遠聽如鷲聲就近則無有

殊異堂集

櫃兒崖

四川桐梓縣七暈溪之櫃兒崖崖門有櫃相傳其中器物皆具昔人嘗借用之後有失其費融者遠路隔不能達萬歷間劉繩引砲碎其一角次日復完

螺峯存稿

石硤

渾源州南磁窑口石硤上有張君祥刻仇扇風葫蘆人過之雖暑熱即有風生

四道三谷

何景明雍大記予從入蜀漢道觀之其西南曰褒谷從褒入南曰駱谷從洋入東南曰斜谷從郿入其所從皆殊舊志謂首尾一谷非是其棧

道有四從成和階文出者為沓中陰平道鄧艾伐蜀由之從兩當出者為故道漢高帝攻陳倉由之從褒鳳出者為今連雲棧漢王之南鄭由之從城固洋縣出者為斜路道武侯屯渭上由之此四道三谷關南之險阨攻取所從來固矣

### 長平坡

磁州城南三里長平坡廣袤八十里白起詐坑趙人於此

### 大庾嶺

南安府城西南二十五里大庾嶺磅礴高聳南接南雄唐張九齡開鑿新路兩壁峭立中路坦夷一日梅嶺以漢將梅鉞得名鉞從吳芮定百粵有功封臺侯臺嶺即梅嶺也後因鉞將庾勝兄弟居守又名大庾嶺嶺下舊有驛宋卻守趙孟適書扁有女子題壁曰妾幼侍父仕英州司馬及歸聞大庾有梅嶺而乃無梅遂植三十本於道因題詩曰英江今

日掌到回上得梅山不見梅輟体買栽三十本清香留與雪中開宋廬  
官張九成 明 張孟奇俱補植數百本

仙人籬

貴州城北八十里高崖之上相傳昔有黃冠結屋其上今籬尚存歷歲  
不腐

天花里

正德元年五月六日午刻鄞縣隱士慶德全家天花如雨飛滿庭中其  
形若米色若玉積深尺許七日始化即守鄭終名其鄉為天花里

永義鄉

嘉靖壬子廣東尚寇作亂平之設廣盜縣有民馮世瑞幼歿立永義鄉  
居之

仁義鄉

繁昌縣唐南陵地開元中於南陵仁義鄉置石磔場因其地產百姓輸納

### 捲簾庄

諸城縣北四十五里捲簾庄在漢王山西南地周五六里雖深秋嚴冬亦不見霜諺云捲簾莊秋冬不下霜

### 說糧墩

全椒縣西南五十里說糧墩在蘆波湖東舊傳吳伐楚吳糧盡伍子胥以上為墩復米其上故石今觀其形幕布星列約五十餘所亦奇觀也全椒縣志

### 鯨隄

鯨隄在清河縣西南三十里延袤千里自順德廣宗界東相傳鯨治水時築也清河縣志

# 博浪沙

博浪沙據史在陽武縣東南三里今在東門內開封城北亦曰博浪沙  
陽武縣志

## 紅土

宣府蔚州衛城東南三十里太白山多奇山其紅土為印色傳為周穆  
王乘八駿游此馬斃其血化為紅土蔚州志又貴溪縣龍虎山有五色  
土張真人以書符錄

河南新鄉縣東北近於衛河有紅土岡其地有雨水如血俗傳紂血流  
漂杵於此

## 山都

汀州即治初造大樹千餘其樹皆山都所居有三種下曰猪都中曰人  
都其高者為鳥都即如人形而卑小男婦自為配偶猪都皆身如猪鳥

都人首能言聞其聲不見其形人或時見形當伐木時有術者周元大能高步為屬術以左合赤索圍木而砍之樹仆剖其中三都皆不能化執而焚之牛鎊內附書

### 鐵城

蔚州府洪武七年立甲於諸邊號曰鐵城周七里十三步高二丈五尺堞六尺址闊四丈柴口七百十有八門樓三各五間角樓四各三間俱高三層靖難時砲擊其一又回祿災其二後不復補昭臣節倣天變也  
蔚州志

### 碗子城

澤州南九十里太行山絕頂今屬懷慶府河內縣群山迴環兩崖相交中立小城隱若鐵甕經行者須扶策徒行即宋太祖肩石之處正統間盜山衛指揮胡剛鑿石平險以免推車之患

## 沁雪石

趙子昂鵬波亭前有石二曰沁雪曰垂雲垂雲流落雲間已不可攷沁雪石在常熟縣署中有鶴字或云沁雪子昂妾也錢侍御岱乘邑侯女疾瘵巫言石為祟出之得歸錢氏在徐上舍處嘉興東門內范氏舞蛟石亦子昂鶴題今在金氏

## 憂懼石

永樂初尚書夏原吉治水江南立石嘉善西塘鎮福源宮前限水水止限下則懼過此則憂

## 中丞石

福建長樂縣十都有中丞石昔有為中丞者未過時過此誓曰不為中丞不過此石後果然故名聞書云長樂縣二十一都石上刊中丞二字唐潘獨坐南歸想此里人鑿之



棗陽石

棗陽縣石有青紅白黃其白者向北拱如遇朝廷採用先期鶴鶴畢集居民知必有大工 棗陽府志

撥刀石

當陽縣關羽祠有撥刀石傳武安屯軍祠下土方二十里黑如墨漬

望夫石

望夫石人稔知之肇慶府四會縣西二百里有新婦石夫爲商不歸久望遂化石宋林小山詩瘦骨峻增立海湄綠苔曾是嫁時衣江郭云作三衛客目斷天涯竟不歸

天涯海角石

咸都有天涯海角二石天涯石在中興寺故老傳云人坐其上則脚腫不能行至今人不敢踐履海角石在羅城內西北隅角高三尺以有廟

今不存

雙魚石

涪川江心積石入水千餘丈夏漲不復見冬春如梁可游深處竊有雙魚見則年豐唐宋元題名甚衆四川通志

文石

雲南點蒼山北麓石白質黑章賦若截肪琢為屏幃其最佳者蒼素分明山川遠近雲林晻曖若天生圖畫不脛而走四方好事者爭購之相傳李衛公平泉莊醒酒石卽此也滇程記

僧化石

南甸州東十里昔有僧自大理至此坐化為石後兵燹止存其首土人祀之

鳳凰石

癸巳詔採雲南鳳凰石百餘有花草鸞鶴形者然僅三四尺而止

關索石

貴州永寧衛南二十里道旁關索石云關東南征惡此石嵌道以戈椎擊之石破為二一留道旁一飛墮道旁因名落石今刀痕依然

清涼石

五臺山清涼石方九步相傳可容千萬人

松化石

博物志松本石氣石裂而受沙即產松松三千年更化為石

太和伯陳萬言家有木假山乃先祖所得以其狀奇巧置於庭一旦化而為石丈理猶木形未幾長女被選母天下求名作記詩陸采覽勝記

石箭

福建同安縣石箭長二丈五尺周四尺七寸見存又文王射於豈有石

箭在同官縣文王山長二丈五尺圍四尺七寸見存

石木魚

南昌雙嶺下石木魚長二丈餘鑿六十八孔鑄古彌陀佛名

石樹

雲南普定進山四十里有玲瓏石樹一為桃棧幹紅花一為李青幹白花

石鏡

輝縣西北七十里侯趙川之中湖寺有石鏡半規能照山河人物之影俗稱透靈碑今昏闇云昔有上官欲昇歸至盤山頂忽灑乃復送至寺

石田

貴州城南二十五里相傳有隱士習黃白冲舉之事甚篤忽有道士從假牛耕石田種玉隱士與之方耕治隱士妻來索牛道士怒遂舍之至

今石上耕治之跡宛然俗名鬼打耙

### 水晶營

盱眙縣東南十里外延垣百餘里以接山陽相傳隋煬帝陸地行舟之道今皆單民雜處農莊於其間遠而望之霧靄霏翕水光晃漾如滌海停波而蓬嶼星列儼若帆檣往來艤泊每晨濛濛其景愈鮮陰雨迷茫尤多變幻廡與皆知其名 盱眙縣志

### 地鏡水影

濟南東七十五里東平陵城西北有陰地數畝天色澄霽亦若雲陰迫視則無齊乘

### 鹵城影

滎州縣東一百里故福都周圍三里百有十步東南西三門其地多鹵故名鹵城俗傳朝霽雲霧中呈現樓堞門內似有人焉兒則多雨豐年

之兆人在西則見在東不見遠分明近則隱其東有齊城其隱見亦同  
今不復見蓋見則凶也

田目

區田

園田種蔬果

園田築土作園以繞田者

架田架猶筏也亦名葑田

田築土護田似園而小

梯田謂梯山以田

塗田低水處潮水沙泥

沙田南方江淮間沙淤之田

雄田交趾謂腴土曰雄田

表田公用田樣田益夏新志載食貨有表田十頃供總府進表之用公用田五頃供官軍藥餌各衙畝燭樣田四頃供祭文廟之用餘衙同

### 響地

寰宇記云萊水出襄國西北石井園傍有響地圓百步人馬上行轟轟有聲強之有火出今無聲祁臺縣志

### 里牛

廣南府人謂里為牛地凡四十八牛世經堂集

### 苕蘿村

華亭馮元成行可游石湖至紫薇村遇一野老年踰八十言此苕蘿村也西施生於此後有富人居此村曰何必尚循亡國女稱乎改為紫薇其家歲植紫薇耳石湖北有溪古名若耶溪吳亡後改越來溪世以浙東溪村名同此地因以西施為越所獻其實吳產也元成後問劉子

咸鳳子處日然嘗見揚君謙吳囊手鏡載其事

佛蹟

山西繁峙之五臺山清涼石浙東定海之落陀山盤陀石形模俱不甚  
廣登陟雖衆了無碍處任受人必不登牛馬跡

城郭氣

臨汝趙簡子墓上氣成樓臺

思嶽白馬營在縣西十五里相傳為唐時故鎮二三里外夏秋間晨望  
如城郭掩映林木蒼鬱日出即不見歲約數次

汶上縣西南周三十里每秋水泛溢一望無際遠視村落煙波杳窈

有城樓人馬之狀出於水上謂之水市閣亭在南旺湖中水際

時見煙雲樓臺之狀

靈壁隸沫溝湖天色晦暝之際陰陰有城郭狀



雀印跡大業破天晴日霽殿中或見城郭之影

東阿跡挑城鋪鋪旁一邱高可數畝每陰雨後煙霧中隱隱有市井車馬之形

嘉靖二十年景州城東八里鋪平原廣闊每晨日出之時望見城郭巍然樓櫓俱備日高而沒不知何祥古書云廣野之氣成城郭江湖之氣成樓臺或者此與景州志

弘光元年正月十一日于刻河南蒙澤縣東南三十里郭村忽現大城雉堞樓櫓畢具南北人共見而駭之總督張縉彥以聞謂天官書廣漠之氣成城郭今河南范無人影誠廣漠之氣也印報

鉅鹿縣北十里許古鉅鹿之故址也今廢相傳侵晨霧露時城之規模隱隱可見良久乃滅

### 海市

海市見於登萊然不獨登萊也凡濱海皆如之人不經值故無得而稱  
馬海鹽周翁家澈浦西門外嘗曰萬卷中於葫蘆山觀劇忽海上現城  
郭樓臺女牆內行人如織或負載或荷蓋可二十刻頽其一隅餘漸沒  
浙江觀察中牟張天機石平嘗行部海鹽登城樓望見海中有浮峯高  
三十仞白雲滄滄從之初謂絕島所未有之奇也已而石塘聞沸人皆  
走且呼曰海市矣海市矣未幾赤壁矗起甃城剝落若堵牆少間色變  
白危樓數十間涌出其際窗櫺玲瓏金碧如畫忽蒼煙飛來複閣盡沒  
而修竹萬叢松柏榭材層城睥睨橫亘昇狀煙盡樓脊盡出頃還舊觀  
乃有長橋出於水上隱隱歷歷車馬無聲樓船旗幟似有人隊介而立  
其餘若鼎若鑪者幡蓋若盤盂杯棬者目之所接手之所指蓋不可勝  
數而又倏忽盡矣石平為吳太史駿公述之見太史記中

嘉靖四年四月廿三日福寧州海中浮來五山自翠架山外而至峰巒

突兀上有草木人馬往來貿易閩城聚觀自午踰申乃沒蓋海市也

劉炳文海舟紀程

萬曆乙未浙帥劉炳文提舟師從海道趨登州備倭四閩月始至紀云  
乙未上元從台州開帆百里至金鰲山高宗南渡避金處也歷老鼠嶼  
山琛門風適猛烈兩礁夾起東西磯牛頭聖堂兩門尤為險阻而五嶼  
羊嶼昏山黃珠茶鹽兩山皆四面燒剝總莫繫泊驟遂空洋夜半颶發  
船各渙散詰旦於靈門山聚合出金齒門因潮浮至若茅山復依南田  
舉夜觸韭山船多破損收回五爪山修艙至點燈礁犯及亂礁洋為蔽  
龍巖倭爾驚觸震蕩翻激水赤天昏龍鬚捲水至半空而倒瀉船皆碎  
毀幾為魚籃出白馬礁遇大漢坑依險而泊由浪檣頭轉歷升羅嶼得  
登普陀山傍倚金鉢盂巖然峙焉出此渡橫水洋入五爪湖移住廟于  
湖隨風逐浪直蹴陳錢山其下有大毒信宿而往面顏盡變且多患瘡

疾及下八山浪崗馬蹟李臂舉皆沙石亂到其水有綠有黑有淡有  
辛有苦有臭有清激見底鱖魚可數有淺灘如潮蛟龍鱗角類者皆為  
颶風打出窮洋直抵倭國五島山轉經漁山假泊沙侯風息驅灘山過  
鼠狼湖及上川下川鷹巢岬諸山再入西洋界則謂之落漆船凡嶽入  
十無一回乃乘颶西逐羊山上有聖姑礁盤礴巍峩克如裝砌許山聯  
腋金山衛其柘林乍浦激浦延袤千餘里人皆控扼三吳者也復順流  
而東七了諸港岐分錯雜室礙莫前崇明縣孤懸海外而大陰新安諸  
沙生聚甚夥福山直對三才沙傍通揚子江與狼山相望若東洲河七  
星港暨河口黃涇河不下十餘口海潮灌浸直達維揚轉而西行有三  
槿大橫深泔非予四口張方大樓憑水姜承插巷五港一望無山其川  
山窪川瀟窪三寨窪狂瀾澎湃甚險剝水紋斑爛因疏虎斑水僅得開  
山無巖可泊至射陽湖之雲梯閣宿焉適反風解纜自辰至申滄海顏

波極日無際漏下三鼓得抵鶯山之灣問其程則餘五百里越明日朔  
風舉帆踴躍碧虛踈蹀躞於黃混水繞日望足洋依憑瓊真島此皆從來  
人跡不到之鄉但見靈鰲老龜三五噴沫相逐大者方丈高厚六尺殼  
背亂巒長目虎口吐破舒伏迤邐於白山高公諸島筮竹島之巔四顧  
廖廓惟東海所城基通其夜三面受風避入杜林山因涉雲臺山古三  
元修道上昇處也其日西北作雲東南吼風巨浪掀翻舵檣斫折見三  
日夜不知疾行幾十里驟瀉牙呷風雖少半餘波尤湧東方既白逆崖  
滴水之灣隸山東境上茨去安東衛僅百里頃吏潮至開行二三日海  
天一色並無巖嶼可以停舟野宿洋飄如浮萍無定泊或堂山至拓溝  
塔埠杜家港諸洋越日入膠港補繕壞船過東島依田橫島夜泊福山  
島而山若有神上無草木中無穴洞悲鳴有聲翼日至草島啗去大嵩  
三五十里風淫瀾漫海面愈賒僅有巨高島棘簪島壘井山依傍海陽

所距咫尺莫能躋焉夜將半挈入魚網上探水不過十餘丈乃莫耶島也與遼東連界海運所經故道至津青島胡光山不半潮已達塔島覓泉取水相望佛山灣沫洪寔宛如一掛珠簾頂刻抵渚里去查山僅幾里上有古蹟路甚崎嶇州高攀藤一步一頓得造其絕頂焉其上復有南天門巉岫秀拔凌接雲際東隈一洞幽雅修潔昔玉陽真人煉煉於此騎白鶴飛昇有雲光宮在焉傍多山茶名子心香護裝人丹井碧泉擘嶸倚角天然雲房石室也登舟行於馬大嘴見一巨魚橫於亂礁上長百餘丈其脊如山口闊無鱗令曰其脊總數百人僅開一肋肉不堪烹可熬油煉骨一節計千餘斤而肉內小刺亦逾尋丈潮回日落携刺數根而西遇颶風至孟津所戍卒蕭條煙火不過百餘家西有岩石參差十數里乃西楊舍人之墓每每作臺覆雨翻雲秋則遠去掠人田禾春憂於此選劫過船披舵故舟越三百里遙望大洋突起數丈如銀砌

玉柱近如噴雪飾粉俗呼為白蓮頭者是也其山脈綿亘暗藏水底客  
通成山鬱律幾百里皆巖崖劍峯萬里海濤衝注會集秦始皇造石橋  
渡海觀日神人驅石鞭之見血至今山石皆紅內有成山衛山此險道  
洩宵行至威清衛所開泊劉公泊其島尚有居址似舊有遼人在焉  
不移時入大空島島多浮石即頑鈍砥礪浮水不沉轉入孟海州外洋  
盤旋蓬子嵩之裡若清泉慕奇山所及其杆竿遠過福山縣入龍山港  
至栲栳島乃雲晴雨止轉泊八角山則見斜曛凝耀嶼嶼煙籠始若樓  
臺錯列繼若城郭周圍俄而人馬縱橫又俄而旗幟掩映出沒無定變  
換不常或告曰此海市也傍有長山島有黑島上多巨蛇產金沙少選  
抵蓬萊閣矣自浙適齊計日四越月計程七十里曰浙江連直隸延袤  
二千七百里自直隸金山衛抵東海所計一千八百里自東海抵登萊  
計二千四百里

古赤壁

古赤壁嘉魚縣北六七十里赭石碕即周瑜破曹處推豎時得遺鐵沙礫間北岸烏林曹所戍守也懸岸饒額蘇子瞻署之曰赤壁其在就湮僅見與弟字嘉靖辛亥華亭莫如忠登其上記曰長公於覽石碕與弟云者固嘗偕子由來表赤壁所在章安而賦作於黃州要以卽事寓言不害為情之所記侯好古者之自定也

物產

五方之產名山多金玉嶺表多璣翠玳瑁豫章多漆荆南多丹銀齒革

金治七一

銀片宋時產銀之監三冶場天下八十四

銅山四百六十七宋銅場三十五



鐵山三千六百六十宋鐵務二十

宋錫場三十六